



7. 210







MARTHÆ
MARCHINÆ
VIRGINIS NEAPOLITANÆ
MUSA POSTHUMA.



ROMÆ M.DC.LXII.
Et denuò NEAPOLI M.DCCI.
Apud Antonium Bulifon.
Superiorum Permissu.







All'Illustriss.^{ma}, ed Eccellentiss.^{ma}

S I G N O R A

D. IPPOLITA

C A R A F F A

Principessa di San Giorgio.

EGLI è gran tempo,
Eccellentissima mia
Signora, ch'io mosso
dalle rare, e sublimi
virtudi, ond'è adorna
il nobile animo vo-
stro, mi era dato a quelle piu atten-

a 2

ta-

zamente, e con maturo giudicio, rimirare, e riguardar da vicino: e cio facendo le ho conosciuto tanto, sopra tutte quelle, di cui altri mai si vantò, di loda degne, e di altissima ammirazione, che ho avuto per fermo, oscurarsi per voi il pregio di quelle famose donne, che nell'età trapassate hanno dato così chiari esempi di loro valore. E, lasciando stare di ogni altra delle virtù vostre, di cui lungo fora il voler ora divisare, soprammodo maravigliose, e nel più alto grado giunte ho conosciuto essere in Voi la dolcezza, e soavità degli eletti costumi, la benignità, e bontà dell'animo, le gentili maniere, e la rara cortesia, in somma quella suprema, ed ammirabile Sapienza, a cui sola son volti tutti gli studj della santa filosofia. E ben'io, meglio che ogni altro, potea conoscerlo, e son tenuto a confessarlo, dappoichè di quelle
le

le vi ha piaciuto farmi prendere particolare sperienza, in ricevendo benignamente a grado l'umile servitù mia, e per le tante grazie, di cui siete stata verso di me larga sempre, e generosa dispensatrice. Or per questa cagione egli è avvenuto, ch' io da gran tempo ancora fui acceso di forte desiderio di dover trovar qualche modo, per cui, con alcun pubblico segnale (conciossiachè naturale ordine delle umane cose egli è, che sì non possano gli uomini gl'interni loro sentimenti altro, che con esterni segni manifestare) per cui, dico, potessi far palesè al Mondo il pieno conoscimento, che ho degl'infiniti meriti vostri, e la divota osservanzia, che per quelli son tenuto a portarvi, e a Voi altresì que' sentimenti di gratitudine dell'animo mio, che, per tante obbligazioni, onde vi è piaciuto gravarmi, io vi professo, e vi sono a

gran ragione dovuti . E, standomi io
lunga pezza in questo mio pensiero ,
non ho trovato altro mezzo da po-
zerlo più acconciamente fare, che in
presentandovi alcun de' libri , che
tuttodì escono dalle mie stampe ; sa-
pendo io bene quanto da cotai cose
Voi sogliate diletto , e piacere rica-
vare : e tra questi niuno ne ho tro-
vato , che più per tal' effetto si fusse
convenevole , che il presente libric-
ciuolo , di cui ora vi fo dono , delle
Poesie latine di MARTA MARCHINA
Verginella Napoletana , la quale ,
tra per la dolcezza , ed amenità del-
lo stile, e per l'abbondanza de' pensie-
ri, e altresì per lo purgato conosci-
mento della latina favella, alle quali
cose , non che le persone del suo sesso ,
ma qualsivis uomo , dopo lungbi , e
varj studj , non suole aggiugner di
leggere , ha acquistato a se fa-
ma immortale, ed ha aggiunto al-
la

la nostra gloriosa Patria molto di pregio, e di splendore. Ne non ho temuto io, in faccendovi questo picciolo presente, di darvi cosa, la quale poco grata vi fusse, ovvero d'incorrer nella taccia, di cui sarebbe per avventura degno colui, il quale la sonora cetera a Marte, ovvero l'acuto dardo al Divino Apollo presentasse: imperciocchè egli è ben noto a ciascuno, quanto Voi di cotà cose sete vaga: Voi la quale tutto il tempo, che altri dietro a' piaceri, e a' sollazzi spendon tutto giorno, negli ameni studj delle sacre muse, e in que' gravissimi delle scienze piu riposte, e rilevate vi occupate continuo. Per modocchè ben sembra somma, e strana maraviglia il sentire, come negli eruditi ragionari, che sovente fate co' piu valenti de' nostri alletterati (in compagnia de' quali voi solete la piu parte del tempo, che

avan-

avanza alle necessarie cure, con sommo vostro piacere, e compiacimento trapassare) con mirabil chiarezza di mente sogliate divisare, or' intorno alla condotta, e reggimento delle umane cose, ora del conoscimento, e della regola de' nostri costumi, ch'è quella, che appellan la scienza del Mondo, cotanto al nostro viver necessaria, e anche penetrar talora co' bei lumi del vostro purgato 'ntelletto gli altissimi misterj della natural filosofia. Lascio siare lo studio de' migliori linguaggj, così de' vivi, come di quei, che da molti secoli son morti, de' quali voi avete piena contezza: e taccio ancora di ogni altra cosa, poichè troppo ampio spazio si richiederebbe, s'io volessi di alcun de' vostri pregj particolarmente favellare. Così non altramenti io già non intendo dir' alcuna cosa della nobiltà del vostro sangue, imperciocchè il

vo-

voler ristrignere in una lettera quel-
 le cose, di cui si riempiono tanti am-
 pissimi volumi trattanti della vo-
 stra gloriosissima famiglia, sarebbe il
 medesimo errore, che il tentar di rac-
 chiudere in picciolo, ed angustissimo
 vaso le immense acque del profondo
 mare. Ei mi giova solamente l'aver
 tutte le predette cose quì brieve-
 mente accennate, per mostrare per quali
 argomenti io mi sie mosso a farvi un
 sì picciolo dono; il quale altramenti
 non sarebbe stato per certo degno da
 presentarsi a Voi: e ancora, che non
 potea io esso libro ornare di più illu-
 stre, e glorioso nome, ne di più fer-
 mo, e degno appoggio, colle forze del
 quale ei valesse a sostenere lo'mpe-
 tuoso vento della'nvidia, e della rea
 maledicenza: e per mostrare simil-
 mente, che, per le medesime ragioni,
 ei non sarà sconvenevole a Voi il ri-
 ceverlo a grado, di che io priegovi
 for-

*fortemente , e che spero di agevol-
mente dover' ottenere dalla vostra
cortesia . E, faccendovi profonda re-
verenza , priegovi dal Signore ab-
bondante copia di vero bene. Di Na-
poli a' dì 13. di Giugno 1701.*

Di V.E.

*Umiliss. Devotiss. ed obbligatiss.
Servitore*

Antonio Bulifon .

VI

Imprimatur.

Si videbitur Reverendis. Pa-
tri Magistro Sac. Pal. Apost.

O. Arc. Pat. Vic. Gen.



Imprimatur.

Fr. Raymundus Capisuccus Sa-
cri, & Apostolici Palatii Ma-
gister, Ordinis Prædicatorum.

Po-

Potest reimprimi Neap. die 10. Januarii 1701.

JOANNES ANDREAS SILI-
QUINUS VIC. GEN.

D. Januarius de Auria Cam. Dep.



LECTORI

E T suam Sapphon, benigne Lector, diversam tamen moribus & religione, nostra quoque tulit ætas, quæ eò est vetere laudabilior, quò ipsa facilius linguam à vernacula non parùm alienam, uti est Latina, & Græcam à nostrate sermone valdè dissitam per se ipsam addidicit, nullo alio præceptore præter indolem in puellæ ingenio nimium exuberantem; & fraterculum frequentantem Gymnasia, à quo repetitum quicquid ille perceperat in ætate admodum florida, admirandæ memoriæ oculis ipsa commisit (ut credibile est) tanquàm fecundissimæ terræ demandata semina. Unde factum ut ad carmina facienda propensior nostro tempore multas, & præteri-

A

ti

ti seculi , nec non elapsarum etatum
 superaverit poetrias , si primordia cogno-
 veris . Non enim hanc cum *Laurentia*
Strozza , quæ *Sapphico* metro præfer-
 tim in totius anni dies festos concinuit
 hymnos , vel cum *Margarita Sarrochia*
Neapolitana , quæ tam *Etrusco* , quàm
Latino carmine plurima mirabiliter con-
 cinnavit , vel cum *Tarquinia Molza* ,
 vel cum *Veronica Gambarà* , quæ etiam
 suum illustrarunt seculum . Enimverò
 quòd carmina sive *Etrusca* , sive *Latina*
 multa adhuc componant elegantia mini-
 mè contempndâ profectò admiramur .
Verum ad sales , leporesque *Latinos* ,
 quemadmodum hæc nostra pervenit , tam
 raræ accesserunt , ut vix illi parem ,
 superiorem verò dixerim esse neminem .
 Præterea non ignoro præteritis annis
Philosophiæ totius diversas *Theses* à
 quadam nobili puella publicè *Neapoli*
 pertractatas fuisse . Sed si divitiæ tem-
 pora studiis opportuna illi compararunt :
 huic fors parentum tenuis aliud sup-
 peditare non potuit præter pœseos stu-
 dium in quo enituit . Vnde *Emin. D.*
Berardinus Card. Spada versibus illius
 per-

perlectis affirmare non dubitavit, illi
Poesin velut ingentam, quando vel ab
 ipsius Confessariis eidem Poetarum om-
 nium fuit sepius interdicta lectio. Ut-
 cunque sit attentè, Lector, cuncta
 in carminibus legendis perpende, &
 elocutionem poeticam non vulgarem in
 illis reperies. Hoc unum illi defuit, ut
 credendum est, quòd factui posthumo
 supremam addere manum non licuit:
 factum inquam posthumum non quòd aliud
 ipsa vivens typis opus ediderit: nun-
 quàm enim hoc ipsa excogitavit, quæ
 quidem humilitatis actibus ex Virgi-
 nea verecundia magis inhaesit; sed quod,
 si hoc fore præsagisset, vel correxisset
 multa, vel in melius mutasset, vel ita
 reliquisset, ut edi potuissent, & majore
 cum admiratione legi. Verum cum
 ad me hujusmodi celeberrimæ nostri tem-
 poris Corinnæ, pudicitia tamen, & re-
 ligione excellentioris, pervenissent car-
 mina, veritus ne sub oblivionis sepul-
 cro depressa illo carerent lumine, quod
 ab Eminentis Spadæ Principis Purpura
 sepius acceperant, excudi optavi, uti
 acceperam, aliquo tantum addito argu-

imento ; notulisque perexiguis ad majorem rei alicujus explicationem , quod tu mihi facile condonaveris . Nam & ingenium *MARCHINÆ* admiraberis in ipsa rerum inopia ; & me illa non fraudabis laude , quòd laude dignam aliquo pacto mundo extulerim ; Et hæc hætenus ,
Valeto ,

5 DE OPERE JUDICIUM.

CENSEO nec ; opinor, ignarus ;
nec inexpertus . Id occupo :
quò legentibus faciam fidem .
Lyricæ imitationis est opus . Amœnum ;
& sparsis hinc inde floribus Poeticis , no-
bilis ingenii partus , & pratum . Stylus niti-
dus , & facilis : non fucatus , non neglectus ;
suo ingenio pulcher , citra pigmenta , &
calamistros . Dictio latina , casta , & uti
virginem decet , candida . Numeri justī,
constantes , grati , qui in aures se se infi-
nuant , innatā , non quæsitā suavitatē .
Sententiæ partim acutæ , partim graves ,
omnes aptæ , & quæ vocatæ argumentis
respondeant . Argumenta plerunque sacra :
quæ se dant profana , ea semper pudica ,
seria , gravia , quæ tamen interdum admit-
tant innocentes jocos . Proprium est Poe-
triæ acumen , candore conditum . Insunt
operi Veneres , sed castæ : Gratia , sed
decentes : sales non amari : lepores ve-
recundi . Tenuia quædam invenies , sed
minimè exanguia , modica , sed minimè
humilia : sicca , sed minimè jejuna : re-
missa , sed minimè dissoluta . Auream .

mediocritatem naſta Poetria venâ divite fluit ; non prodigâ , juſto alveo ; non extra ripas effuſo , ſed intra margines caſtigato . Apparet ubique ſanguis , & color virgineus , nec vis tamen , & animus virilis deſideratur . Latinam ſi ſpectes linguam , tâmeſt priſca , ut hæc Virgo Gracchorum mater eſſe videatur : ſi Poeticam expendas facultatem , MARTHA Lucano , ſi adjutrice aliâ indigeret , non Polla Argentaria , ſed Auraria adſuiſſet . Error qui uni carmini obreperat , & ab Eminent. Card. Spada eruditè excuſatur , nullus eſt , ne vitium ineſſet .

Macedo.

Emi-

Eminentissimi, & Reverendissimi D.⁷

CARDINALIS
BERNARDINI SPADÆ.

De Hæresi

Etiam politicis Principum rationibus
perniciosa.

A D

CHRISTINAM SVECICÆ
REGINAM.

*Dulce jugum Petri Regum cervicibus hærent
Abstulit Impietas, visa favere nocens.
Plebs didicit sprevisse Duces; Aquiloneque toto
Reges vix nomen sustinere suum.
Hæc quoque damnarunt Angli: fideique Britanna,
Et Regni, & Regis concidit ense caput.
Tu sapias, Arctonas Virgo indignata coronas,
Ad Sacra Majorum dum revocare nequis.
Sed neque Magnanimam decuit regnare sub Arcto.
Latius in Latia Calica regna patent.*

A 4

Ver-

Versione Italiana del medesimo.

Scoffe il giogo di Piero
 Dalle regie cervici empia eresia,
 E d' un pondo leggiero
 Se sgravarle tentò mendace, e ria;
 Partorì lor' al fine
 Sotto finti favori, alte ruine.

Quindi a sprezzar' apprese
 I lor Duci la plebe, e non più temea
 Di lor potenza prese,
 Onde nell' Arto gelido il diadema
 Tolto alle regie chiome,
 Appena i Regi conservaro il nome.

Ma ne per questo volse
 Udir ne' regni suoi l' Anglia infedele,
 E poi che al vento sciolse
 Contro del Ciel le temerarie vele,
 Troncò del Rè, del Regno,
 E della fede il capo un ferro indegno.

Tu se' saggia CRISTINA,
 Che sprezzatrice di Real Corona;
 Sdegnasti esser REINA,
 Ed il freno tener dell' Aquilone,
 Mentre dell' Avi tuoi
 A' Sacri Riti richiamar nol puoi.

Ma ne pur conveniva
 Le piagge dominar dell' Arto argente
 Al tuo petto, che ambiva
 Ad Imperj più grandi erger la mente,
 Per più largo sentiero
 Conduce il Lazio allo stellato Impero.

DE

MARTHA

MARCHINA

TESTIMONIA

*Lettera dell'Eminentiss. Sig. Card. Spada
Al P. Virgilio Spada.*

IO son rimasto tanto sodisfatto della lettera, e dell'Epigramma responsivi, e tanto ammirato delle qualità dell' autore, che non saprei dir d'avantaggio. E possibile, che si stipendjno a pelo d'oro le sonatrici, e le cantatrici, e che una Saffo come è cotesta non sia tirata a luce da qualche Personaggio generoso? Io fo ben caso d'un cieco, che studii, e che diventi dotto, ancorchè mediocrementemente; e fui autore a questi Sig. Bolognesi, che conduceſſero lo Scaputelli ad esclusione anco d'altri soggetti riputati migliori. Ma molto piu caso faccio d'una obbligata necessariamente ad altre fun-

A 5

zioni

zioni, e che, secondo che si legge d'Apulejo fra gli antichi, e di Lorenzo Valla fra' moderni, sia a se medesima discepolo, e maestra. Se stima, ch'ella sia per accettarla, gli offerisca a mio nome la parte, e cominci a fargliela dare. Poichè se ben so, che col tēpo nō m'acherà chi gli farà miglior' accoglienze, in ogni caso havrò gusto d'essere stato il primo; e di aver forse eccitati altri maggiori di me ad onorare piu adeguatamente il merito della sua virtù.

Missum fuerat a P. Virgilio Spada ad Emin. D. Card. Spadam Marchinæ epigramma in D. Priscam Virginem, quod inferius habetur, incipitque.

Aspicit innocuū Virgo secura leonē, &c. quod ipse Princeps admiratus, sic de illo ad eundem P. Virgilium Spadam rescripsit.

CARD. SPADA

AL P. VIRGILIO SPADA.

L'Epigramma sopra S. Prisca mi è parso bellissimo, così per la spiegatura, come per il concetto, del quale si legge qualche ombra in Marziale, *de Tigride*, & *Leone*.

*Ausa est tale nihil silvis dum vixit in altis,
Postquam inter nos est, plus feritatis habet.*

Il distico n'ha preso un poco piu di corporatura, poichè la chiusa di Marziale, *de Leone*, & *Ariete*, dice, se ben mi ricordo ..

*Sidera si possent, pecudesque feræque mereri
Hic astris Aries, hic Leo dignus erat.*

Sì come quando vidi l'epistola elegiaca mi piacque l'imparentamento con Ovidio, così nel veder gli epigrammi, mi piace sommamente l'imparentamento con Marziale: poichè a lungo andare con l'imitazione de' buoni Autori venghiamo ad abituarci non solo nella loro elo-

cuzione, ma ne' loro spiriti , che secondo l'occorrenze ci porgono un transito molto facile a formarne degli altri egualmente aculeati . Chi legge l'elegie di D. Virginio Cesarino vi trova mille versi intieri d'Ovidio ; ma presi tanto a proposito , che gli fa diventar suoi propj con molta lode di giudizio, e versatilità d'ingegno &c.



Epi:

13

Epistola dell' Eminentiss. Sig.

CARD. SPADA

Sopra un verso di Marta Marchina abbondante d'una sillaba.

AL P. VIRGILIO SPADA.

DA che io non ho scritto a V. R. mi sono capitati molti Epigrammi della Marchini tutti buoni, & alcuni ottimi; ma in specie quello di S. Andrea. Il verso abbondante d'una sillaba nell' epigramma *in fratrem*. Mi turbò poco, sendo io certo per tant' altre composizioni, che non poteva essere proceduto da difetto d'arte; ma da soverchia applicazione al concetto, come si legge nel Sigonio esser già accaduto al Robertello humanista di nome, e suo concorrente, il quale ne pose sette in un Esametro, dicendo:

Edentes incompositam vocem, confusaque verba.

E probabile, che la medesima stesse tanto

to piu applicata al concetto nella composizione del suo Epigramma , quantochè si vedeva sforzata a gareggiar con Marziale, che se n'era servito pure in un Epigramma, & ancora in un distico ,

Si qua videbuntur , &c.

Cum tua non edas , &c.



EPI-

EPISTOLA
DELL'ISTESSO

Al medesimo .

Sopra il medesimo soggetto.

DOppo avere scritto, anzi doppo essermi posto a letto in quest'ora 6. di notte- m'è capitato alle mani un Epigrammatario antico, stampato in Parigi del 1590. nel quale mi si è offerto alla bella prima, un' Epigramma sopra una Donna con due esametri fragli altri di sette piedi: l'uno, il primo è questo .

*Quod si fortè tibi fuerit Fatorum cura
meorum.*

Et il secondo.

Quod lacrymis opus est Rusticelli carissimi coniux.

E perche il libro per altro è correttissimo, e non veggo, che si possa dubitare, che ne' due versi sudetti sia stata inserita qualche parola di piu da i trascrittori. Di qui è, che mi risolvo a mandargli per continua-

nuazione della rubrica , che parla dell'
Epigramma Marchiniano.

Ejusdem.

Marthæ Marchinæ.

E N C O M I A.



Ale-

ΟΥ' δὴ καλῶς παρθένες οἱ πάλαι χορῶν
 Μισσῶν ἐτιμήζαντο τλὴν ἐκ Λεσβόθον
 Γυναικ' ἄσωντον, ἐμμανεσάτω πόθῳ
 Ὡς περβαλῦζαν μάκρον, ἢ λύρας κλέει,
 Κεῖς παρθένους τάξαντες ὑπὸ παρθένον.
 Τανυῷ δ' ἀπέλθω τῆςδε τὸν κλῆρον λάβοι
 Καὶ δόξαν ἦδε, χρῆμα θεαυέσιον κέρη
 Ἄρτ' ἐξέχευε, φοῖβε· εὖτ' ἐξ αἰθέρε·
 Ἐπ' ἄλοφοι ἐκ κέλποι ἄμβροτον φάτο·
 Ἰῆζε πῆλε, μουσικῆς μὲν ἔσοχα
 Ἰδμων ἀπάσης, πλὴν γὰρ τῷ θεῷ μόνον
 Ἀγνῶς ἔρωτο τῷτο μῦθον εἰσακὲ
 Ἀμφὶς εὐφῶν· νοῦν τ' ἀνέπερομνή
 Ἐφάπτετο, κάληκτον ἐμμελεσάτης
 Τμνῦζε μολπαῖς Ἀΐγλης ἀμείβετο.
 Ὡς ἐγγεγράφθω τὸν πρῶτον κατενδεᾶ
 Πλήρετο ἀειθμὸν· ἐνδίκως καὶ Πιερίς
 Δεκάτη τὰ πρῶτ' ἐκ τοῦδε μεζάνων φέροι
 Ἐπατοῦζε τῶν τὰ θεῶν ὕμνων λαμπρῶν,
 Ἀγνῶν τ' αἰοιδῶν, τῆς μυσικῆς λύρας.

Idem in eandem.

Ex Græco in Latinum conversum.

Sacro vetusta sæcla Musarum Choro
 Haud jure fæminam addidere Lesbian
 Amoris æstro, atque efferâ libidine
 Præstantiorem, quàm canendi gloriâ
 Impuram, & adscripsere in albo Virginum,
 Ea nunc facessat, tamque præclaram occupet
 Sortem, decusque dia Virgo hæc rectius
 Exorta dudum, Sol ut alto ab Æthere,
 Quæ Septicollis ex Urbe jactat longius
 Cæleste jubar. Illa artem, & omnes carminis
 Perdocta leges, summi amore Numinis
 Incensa puro, id ambit unum, id expetit,
 Castæque penna mentis evecta altius
 Attingit, & canorè id ipsum personans
 Cælebrat usque Cælitum excipiens modos,
 Ergo cæmenis inferatur. Antea
 Haud absolutum denique hæc orbem expleat,
 Et Musa jure decima, jam primas ferat,
 Novem Sorores inter, una in posterum
 Vatum piorum præses, & sacra lyra.



Ano-

Anonymi

In Martham Marchinam.

Epigr.

Mars ne tibi an Mare, Martha dedit Marchinia no-
men,

Nempè animos gestas docta virago viri,
Si non Bellonam fecit te Pallida Mavors
Sirenem genuit te mare Martha tuum.
Pallada divinam quis Sirenemne canoram
Miretur? Monstrum est nobilis ingenii.

Anonymi:

Martha Marchina Puella

Omni litterarum genere excultissima.

Epigr.

Femineas acies quondam irrequieta cientes
Bella, virisque ausas conseruisse manus
Jactabat tumido Mars ferreus ore: sed olli
Subsidens Phœbus mollia dicta dedit.
Parce, nec ardenteis tu Ducis Amazonas unus,
Et nobis melius Penthesilea furit.

Mar-

MARTHA MARCHINA NEAPOLITANA.

Anagramma purum:

HÆC NAM THALIA? NON
A T P R I M A R I A.

Epigramma

Ad Lectorem.

Hæc nam, fortè rogas, nova terris orta Thalia?
Non certè: nimium dispere voce carit.
~~Commica lascivo gaudet sermone Thalia,~~
~~Ut vatum Vatem jam cecinisse ferunt.~~
Parthenopæa bono, sed Virgo continit ore,
Versibus ut sacris noscere ritè potes.
Ista Thalia quidem non: at primaria Musa,
Vox bona cui nomen, Calliopea, dedit.



P. Ca.

. Carolus a S. Antonio Patavino Sacer-
dos in Congregatione Pauperum Ma-
tris Dei Schol. Piarum.

Ad M. Marchinam .

Francisci ab Annunciatione ejusdem
Congregationis Presbyteri.

Epigr.

*Dum lego Martha tuos doctos in Apolline versus,
Et stupeo ingenii dum monumenta tui:
Te vivam, vitæ defunctam munere quamvis,
Demiror, vitæ & munia facta probo.
Siquæ prior quondam nostri fuit hospita Coristi
Hospitii (certum est) æmula facta sui es.
Illa Deum; Ipsa Dei resonantia carmina mente
Excepisti; at Primam nobilitatis Opus.
Olli, nec mirum, ex facto te cedere fas est,
Te quoque Perpetuam carmina facta canent.*



D.O.M.

D. O. M.

Marthæ Marchinæ ortu Neapolitanæ,
 Virgini educatione Romanæ :
 Cui ad insigne pietatis, ac pudicitiae studium,
 Mirus sapientiae amor, vel septenni accessit.
 Eoque deinceps pari morum, atque ingenii cultu
 Humaniores artes, ac latinam in primis Poesein
 Ad veterum normam, atque æmulationem
 Suo ipsa instructu eximie calluit, exercuitq; ue,
 Hebraicis, Græcisque litteris docta
 Severiores disciplinas, fastu procul
 Religiosè attigit,
 Animi quæsito magis ornatu, quàm nominis :
 Cujus gloriam
 Spontè latens in Urbis luce, dum planè abiecit
 In sinum transmisit immortalitatis .
 Obiit v. Idus Aprilis. Anno Domini
 MDCXXXVL
 Ætatis XXXXVL
 Patres Congregationis Oratorii,
 Quos illa vitæ probæ accurandæ
 Habuerat Monitos,
 Curatores mox Funeris
 Monumentum Bencinerenti
 P. P.



MAR-

MARTHÆ MARCHINÆ

V I T A.



EAPOLIM nobilif-
fimi Regni caput
Urbem MARTHÆ
Marchina patriam
habuit. Nova Siren
vetus Parthenopes
nomen Civitati restituit : Statii,
& Sannazari futura soror. Paren-
tes ei pii magis, quàm clari, ho-
nesti potius, quàm opulenti con-
tigere. Paulum adoleverat, cum
hi de mutando domicílio, causa
in occulto est, cogitarunt. Fortè
fœtus ille majores animos fece-
rat, & Romam, ubi par infanti
theatrum foret, ire incitabat.
Certè peregrinum ingenium do-
mi

mi angustias oderat. Futurā poetriam tenues parentum fortunæ prænunciabant. Itaque in Urbem ventum : & ad Pacis (nobile id Virginis Templum est) in interiore Urbis parte habitari cœptum . Labore manuum, sed honesto, & citra sordes artis sedentariæ, vitam tolerarunt . Duo Marthæ fratres fuerunt , unus major , alter minor natu . Media inter utrumque locum virtutis obtinuit . Horum Matre paulo post defunctâ, curam gessit, vix dum per ætatem sui compos, aliorum institutrix . Parentes egregiè pii, cùm alias tùm præcipuè Ecclesiam S. Mariæ in Vallicella , ubi Patres Oratorii , lectissima ejus Urbis Sacerdotum pars, religiosè degunt, frequentare, eoque Martham ducere soliti : inde huic, quasi ingenitus erga illos amor, & reverentia . Nacta unum ex
iis,

iis , qui conscientiae , & moribus³⁵
praeesset , Ludovicum Santoli-
num , miri candoris , & comper-
tae innocentiae virum , ei se ad
omnem virtutem formadam tra-
didit , ac eidem postea germanos
duos , ubi per aetatem licuit , im-
buendos dedit . Hic optimè insti-
tutos , ad virtutem cereos , ad vi-
tia ferreos effecit . Eminere jam-
tùm coeperat in Martha acutum ,
& amœnum ingenium ad huma-
niores litteras , & poeticas suavi-
tates comparatum . Sentiebat im-
petus quosdam , & motus animi
in versus erumpentes , quos nec
exactè norat , nec prorsus reprim-
ebat ; sed macerabat tamen pu-
dore ingenuo , seque ad foemi-
neum ordinem , fusi , & acus
opera revocabat . Ceterum , quòd
ars nulla erat , quæ naturam iu-
varet , facilè poeticus ille furor
elanguit . Verùm cum postea fra.

tres amœniorum litterarum studiis se dederent, & quæ in publicis scholis acceperant domi recognoscerent, & inter se conferrent, iis auditis Martha mirè affici, & incendi erga eadem studia cœpit. Itaque deinceps pro materno suscepto officio illos invisere, observare, audire, se se insinuare, quærere, responsa elicere, ex iis documenta petere, & ad doctrinam traducere, & quòd valeret ingenio, ac vigeret memoriâ, multò plura quàm ii videre, ac retinere, ac secum ratiocinando deducere. Brevi ex discipula fratrum magistra evasit, & disciplinam in doctrinam vertit, Calluit primùm exactè latinam linguam; deindè poesin, ad quam ingenio facta erat, edidicit: adjecit Græca rudimenta Hebraicis præceptis aspersa, quæ postea assiduâ meditatione in doctrinam formavit.

27
vit . Adminicula librorum deerant: pauci enim fratribus suppetebant . Quare Patrem Santolinum rogavit, ut permetteret oratores, & poetas probatos , quos undè undè posset colligere , per otium legere . Id tamen ille severè vetuit, quòd alienum à Virguncula existimaret; domesticorum tantum usum ei non interdixit . His contenta, & genio indulgens tam profecit , ut cum fratres jam natu grandiores effecti altiùs intrassent in litteras , & spem facerent ingentis fructus, privatus iis Magister adhibendus fuerit , à quo domi exercerentur . Hortatus patrem Santolinus, ut præceptorem pro iis instituendis quæreretur : cui pater respondit, se non alium , quàm Martham sororem , Magistrum filiis datum . Cumque id Santolino insolens videretur , ei pater epi-

gramma à filia compositum ostēdit, quo viso miratus puellæ ingenium, probavit Santolinus sententiam; ac exindè magisterium in fratres exercuit, & à Santolino obtinuit legendi idoneos, quos vellet authores potestatem. Imò, quod mirum fuerit, religiosus, ac morosus senex Martham deinceps ad frequentanda litterarum studia stimulabat. Hoc illa scrupulo avulso cœpit liberiùs poeticis vacare, & versus de rebus sacris componere. Ejus rei cum fama percrebuiſſet, & experientia confirmasset, multi ab ea epigrammata postularunt, & impetrarunt. Non deerant tamen qui dubitarent, utrùm propria, an aliena essent; quorum unus fuit Domnus Querengus vir eruditus, & gravis, qui sibi persuadere non poterat, versus illos, quorum exempla viderat, fœmi-

nei

29
nei ingenii partus esse. Quare se-
mel patrem Jacobum Volponem
insignem inter Patres Oratorii
concionatorem adiit; rogavit-
que, ut ex Martha, se præsente,
aliquod poema eliceret. Morem
ille Querengo gessit, & edixit
diem festum, quo Martha in
Ecclesiam ventura erat. Actum
ex composito. Peractis sacris
transeuntem Martham voca-
vit pater, & coram Querengo
iussit, ut ex tempore, accepto
ab eodem argumento, epigram-
ma componeret. Paruit illa, &
quod esset patri ad manum char-
ta, & atramentum, cum se pau-
lùm collegisset, epigramma de Ja-
cobi cum Angelo lucta (ea fuit
materies) scripsit, & patri Vol-
poni obtulit, & is Querengo le-
gendum dedit: qui in stuporem
versus mirè laudavit, & præcla-
ram de Virgine existimationem

concepit . Id suo loco repræsentabitur . Querengi tanti viri , & vatis iudicio motus Santolinus , ac eò insuper quòd Martha cum ingenio abundaret , opibus indigeret , modum excogitavit , quo & doctrinæ specimen palàm præberet , & fructum ex eo magisterio colligeret . Visum è republica , ut Martha ludum aperiret , & quòd minus deceret Romæ , foras locum designavit . Id fuit oppidum Sanctæ Sophiæ ininter fines Etruriæ , & Æmiliæ positum , quæ Santolini patria erat , ac eò iussit quamprimùm proficisci : nisi fortè altior fuit mens Santolini , qui uti erat religiosus , & probus , ejus erga se observantiam probare voluit . Dura Marthæ provincia visa est , sed dicto patris , cui se regendam commiserat , parens fuit . Iter suscepit pedes , more peregrinantis ,
&

& alterum ex fratribus natu ^{3r}mi-
norem secum duxit, & ad locum
destinatum contendit, tanto im-
perata faciendi studio, ut cum
Fulginii frater morbo correptus
substitisset, illa nihil eo periculo
mota, piis hominibus ægrotantis
curâ demandatâ, ulterius ire per-
rexit: donec Lauretum pervenit,
omninò reliquam iter confectu-
ra, nisi dum ibi religionis ergò
diutius maneret, Santolini litte-
ras accepisset, quibus Fulginium
regredi, & fratri affidere, & sub-
venire, & cum eo postea ex mor-
bo recreato in Urbem redire jussa.
Iis acceptis litteris revocavit gra-
dum, & reversa est Romam. Exin-
dè fama Virginis crescere, sed pau-
latim, & more virgineo procede-
re, ceu timeret vulgari; donec
verecundantem incitavit nobi-
lioris auræ spiritus, qui eam jam
velificantem, Bononiam ad Emi-

nentissimi Principis Cardinalis Spadae, Legatum ibi Pontificium tunc agentis, domum, quasi felicem portum appulit. Rem narro. Grassabatur id temporis per Italiam pestilentia, quæ in Bononienses tractus vehementius incubuerat. Ejus rei nuncius Romam delatus, non potuit non Patris Virgilii Spadae, inter Patres Oratorii degentis, animum commovere. Percussus nuncio, & sollicitus de fratris Cardinalis periculo sollicitudinem ei suam per litteras significavit. Quibus Cardinalis, ut curam, & timorem demeret, & vicem amoris rependeret, Latine, quo maximè idiomate & valebat, & delectabatur, elegantissimè rescripsit. Occasione acceptâ, Pater Virgilius elicere ex Martha ad Fratrem Cardinalem litteras voluit, ut hac illam ratione fratri eximio, &
lit-

litterarum Mœcenati commen-
daret. Honesto prætextu gravio-
rum curarum usus, Santolinum
rogavit, ut suæ (sic ajebant) Poe-
triæ respondendi pro se onus
imponeret. Morem Virgilio San-
tolinus, Santolino Martha ges-
sit. Respondit. Responsum ejus-
modi fuit, ut non modò sensum
Virgilii exprimeret, sed Cardi-
nalis etiam sensa expressa litte-
ris in eundem retorqueret, &
par pari acutè reponeret. Id
præsertim in epigrammate vide-
re est, in quo sic missum à Car-
dinali epigramma refutat, ut
sententias sententiis, verba ver-
bis jucundâ vice refellat. Epi-
stolam, & versus ad fratrem
Virgilius misit. Quæ ut Cardi-
nalis accepit, cum admiratione
probavit. Ac pro suo ingenio
& generoso, & liberali, aliam
epistolam remisit ad fratrem po-

litissimè scriptam, in qua præter Virginis eximias laudes mandavit Virgilio, ut suo nomine Marthæ offerret justum in alimoniâ demensum, & quotidianum subsidium: quod, si annueret, continuò præberi curaret. Adidit indignum videri cantatrices, & cistellatrices, & psalterias Romæ à principibus viris liberalitèr ali, & abundare; honestas verò, & studiosas Virgines bonarum artium doctrinâ præditas, cujusmodi erat Martha, despici, & indigere. Erat id quoque ad genium fratris Virgilii, hominis planè ad splendidam pietatem facti. Itaque Santolino authore egit, ut Martha oblatum subsidium acciperet.

Nec recusare debuit Virgo munus à tam magnifico, & generoso Principe profectum. Verum quidem est Martham, postquam

quam

quàm aliquot annos eo benefici-
 cio fruita est, ei postea cum ali-
 quantò ditior facta esset, & fra-
 trum facultates accessissent, mo-
 destè renuntiasse. Ex eo tempo-
 re cœpit Spadarum se familiæ
 addicere, eiûque prorsus manci-
 pari. In ejus se, suosque fra-
 tres clientela esse fateri. Eminen-
 tissimo Principi sua scripta dica-
 re, ab eo scribendi argumenta
 accipere, & accepta reddere, ac
 emendanda tradere, eam fami-
 liam ornare, & quæ se cunquẽ
 occasiones laudandi dabant, eas
 arripere, ac ejus domus viros
 celebrare. Nihilò ei minus Car-
 dinalis, & ceteri propinqui re-
 spondere; ut nihil illa, vel urba-
 nitatis, vel liberalitatis, vel stu-
 dii desideraret. Quin imò tanti
 apud Cardinalem habita fuit, vt
 lectissimos duos pueros fratris
 filios, & tertium consanguineum

ei instituendos dederit : quos illa
 singulari studio ad virtutem , &
 doctrinam formavit . Iis adesse ,
 assidere , invigilare , consulere ,
 providere , ac erga eos magiste-
 rium , & pietatem exercere . His
 honestis officiis , & obsequiis mul-
 ta à proceribus ejus familiæ bene-
 ficia impetravit . Idque feliciter
 obtinuit , ut mortuo Santolino,
 Patrem Virgilium Spada , multis
 licet domi , & foris domesticis , &
 publicis à religione , & Pontifice
 impositis curis districtum , con-
 scientiæ arbitrum , & spiritualis
 vitæ ducem , & magistrum habe-
 ret . Quod sanè Martha , uti erat
 prudens , in summi beneficii loco
 posuit , sæpius passa , se illius mo-
 nitis , & consiliis in doctrina mul-
 tum , & pietate profecisse . Atque
 ut ad studia revertamur . Acre ,
 & acutum Marthæ ingenium :
 grave , maturumque judicium :

mens

mens capax: ingens vis memoriæ.
Summa in discendo facilitas, &
in docendo felicitas. Exemplo
illud esto. Docebantur Spadæ
pueri musicos modos à perito
quodam phonasco, Marthâ in-
terdum præsentē, & sæpe audien-
te. Ex hoc tam illa perita illius
artis evasit, ut quæcunq̃ue ille
doceret, illa disceret, & audita
in documentum verteret. Nec
humaniorum tantum litterarum
laudibus excelluit, sed etiam phi-
losophiæ, & Theologiæ studiis
enituit. Quæ cum optimè calle-
ret, occultabat scientiam; & in-
tra fines modestiæ se continebat,
cumq̃ue disciplinis abundaret à
doctrinarum usu semper absti-
nuit. Erat tamen nota omnibus
ejus peritia. Ac fuit Romæ Prin-
ceps, qui optavit, ut in almæ
Urbis Sapientia Cathedram ha-
beret, & inter reliquos Magistros
palam

35
palam doceret . Sed Virginalis
obstitit verecundia , & pudore
obtineuit , ut ille Princeps à pro-
posito delisteret . Erat hoc inso-
lentiùs . Illud honestiùs , quod
agitavit Eminentissimus Prin-
ceps Cardin. Franciscus Barbe-
rinus , optimorum semper stu-
diorum , & amator , & author .
Designaverat hic eam sacris S.
Theresiæ Virginibus in eo Mona-
sterio , quod est in summa Ex-
quiliarum parte propè hortos
Sallustianos bonarum artium
Magistram : idque in votis erat
Marthæ religiosæ vitæ impri-
mis cupidæ , sed cum confecta
penè res esset, inopinato eventu
disiecta est , & Martha domi se
se continuit . Haud dubiè Dei
providentiâ , qui eam inter Lai-
cos vivere, & mori voluit . Quod
item aliàs apparuit , nam cum à
Patre Cardinalis Spadæ illustri ,

co-

39

copioso , & pio viro Monasterium Virginum Bersighellæ suæ conditionis oppido ædificatum esset, ac ibi vellet Martha institutum religiosum profiteri , voti compos esse non potuit . Pares ingenii dotibus virtutes animi fuerunt . Indoles , ut in fœmina , cerea , & candida , flexibilis ad pietatem , insolens vitiorum . Pudor ingenitus , & industria accersitus , quem singularis modestia condiebat . Verecunda citra fastidium : obsequiosa intra gravitatem : humana extra facilitatem , nemini molesta , omnibus grata ; otii nescia , honesti negotii gnara : occupationum tenax , non studiosarum dumtaxat , sed domesticarum etiam , & quæ intra sexum . Saponem odoratum conficere , pilulas ex eo componere , nere , iuere , texere , lanificio operam dare . Phrygio-

gionicam artem grandior natu-
jam edidicit , & propè mira-
culum exercuit . Multa ex au-
reo , & serico filo texuit , &
acu pinxit , quæ sacris usibus di-
care solita .

Extant quædam in cymme-
liis Patrum Oratorii operis exi-
mii . Aras , & Sacraria argento,
& auro vestiebat . Se vulgari ha-
bitu , decenti tamen , & idoneo
induebat ; crepidarum , & fan-
daliorum ambitione semper ab-
stinuit . Placebat ei simplex , &
honestus habitus , animo suo si-
milis . Cibus ei parabilis , ju-
stus , & necessarius ; ejus &
somnia parcissima , precum penè
prodiga , quòd nimium orabat .
Sacris Mysteriis interesse quoti-
diè , confiteri crebrò , concio-
nes sæpè audire , Cœlesti pane
refici , ter ad minus singulis heb-
domadis , solemnioribus tamen
anni .

anni temporibus quotidie ⁴¹ Di-
vino illo pabulo recreari : Qua-
draginta horarum supplicatio-
nibus interesse , Sacras Synaxes
frequentare ; statas S. Mariæ
preces horarias recitare , & sa-
crum piacularium orbiculorum
pensum singulis diebus reddere :
solemnia Ecclesiæ jejunia intra,
& extra quadragesimam ritè ob-
servare : his Adventus , & alia-
rum , quos studiosè colebat San-
ctorum, Vigiliarum, ac præcipuè
D. Virginis voluntariè adiacere :
quantum detractò cibo corpus
extenuare , tantum sumptâ Eu-
charistiâ animum saginare . S.
Petri Basilicam adire quotidie ,
cætera Urbis Tempia incidenti-
bus eorum solemnibus invisere ,
Ecclesiam Patrum Oratorii im-
primis frequentare . Quod supe-
rerat temporis , id omne domi
texendo, nendo, legendo, com-
po-

ponendoque consumere : silentium amare, confabulationes fugere, hominum conspectum vitare, curas in Cœlo ponere, eoque se, dum animo non poterat, cognitione transferre. Corpusculum variis vexabat modis, & naturâ infirmum crebris afflictionibus infirmius reddebatur : fessum diurnis occupationibus lectus durissimus excipiebat. Santolino mortuo, tabulam in qua cubare solitus, dono sibi dari petiit, eamque deinceps pro lecto habuit, & quasi naufragium reliquam vitam duceret, tabulæ incubabat. Variis morbis exercita singulare patientiæ specimen præbuit. Torminibus sæpè laborabat, ac in summis doloribus, cum eam Pater Paulus Aringhus Congregationis Sacerdos hortaretur, adducto Pii Quinti Pontificis exemplo, ut
 ejus

ejus verbis uteretur. *Domine ne minuas dolorem, patientiam adaugeas*, negavit illa, quod tanto Pontifici licuit sibi licere, ac proindè sibi dicendum esse. *Domine ne minuas dolorem, sed adaugeas patientiam*.

Hoc tenore innocentem vitam duxit ad annum usque 46. qui ei ultimus vitæ fuit. Nam Aprili Mense Anni 1646. lentâ febre correpta paulatim contabuit. Cumque se ad mortem omnibus salutis æternæ præsiidiis muniisset, obiit placidissimè. Superstes illa fratribus fuerat: propinqui nulli erant: Virginem unam piam, & pauperem sociam sibi jam dudum adsciverat, quæ ægrotanti allèdit, & morienti adfuit, & illustre ejus virtuti testimonium reddidit. Copiolas suas, & supellectilem, & quæ domi erant utensilia cum paucis libris, & manu scrip-

ptis

41
ptis Patri Virgilio , ceu pio testa-
mento , legavit, cum precibus, ut
ea pro arbitrio in animæ suæ sub-
sidium conferret, justâ prius par-
te in sociam Virginem collocatâ ,
injunctâ etiam tumulandi corpo-
ris , & ducendi funeris curâ .
Erat tum Virgilius à Secretis In-
nocentii Decimi eleemosynis; ac
licet hoc , & aliis domesticis , &
publicis occupatus negotiis , su-
scepit tamen libentèr demanda-
tam sibi à pia Virgine provin-
ciam . Novus , & mirus hæres ,
qui non adiit hæreditatem , sed
addidit ; & cum nihil sibi acqui-
reret , multa de suo ad complen-
da legata expendit . Solis manu-
scriptis ditior factus . Itaque non
modò ejus postulatis , sed votis
etiam satisfecit . Procuravit fu-
nus : defunctæ parentavit ; spiri-
tualibus subsidiis iuvit, nihil of-
ficii erga mortuam prætermisit .

Pro-

Providit ei sepulturam in Eccle⁴⁵
sia Oratorii, & locum honorifi-
cū designavit in ea Templi navi,
quæ rectà ad Sacellum S. Philippi
Nerii ducit; ibi Corpus condi jus-
sit, & insigni lapide tegi. Auxit
famam epitaphio, quod in ejus
gratiam composuit Illustrissimus
Gaspar de Simeonibus Innocentii
Decimi ab Epistolis ad Principes.
Id monumentum famæ, & termi-
nus vitæ à me scriptæ, esto.

Macedo.

MAR.





MARTHÆ MARCHINÆ

C A R M I N U M

P A R S P R I M A.

De Christi Domini Præsepi.

Antrum laudat ab eo, quem continuit.

Epig.

È Cce domus magni quondam que conscia facti
 Infanctem potuit continuisse Deum.
 Hac teneris Domini sonuit vagitus, hæc;
 Hyberno vidit membra rigere gelu.
 Hic steterat veneranda parens, coniuxq; frequentes
 Pastorum cætus, aligerumque chori.
 Ista fuisse tamen potuit tibi iure videri
 Parva domus: major numquid Olympus eris?

1a

In Christi Natali , ad illud

Reclinavit cum in Præsepio . Luc.2.

*Virgo parens natum in stipula reclinat Amorem,
 Ut majore novas augeat igne faces .
 Hei mihi spinarum sunt hæc præludia , primam
 Ecce cruor guttam eliquat in lacrymam.
 His facibus Virgo , si grata incendia quæris ,
 Pectora sunt nobis horridiora rubo .*

In eodem Natali die .

Super illud
 Non erat ei locus in diversorio . Luc.2.

*Egreditur patriis expulsus manibus Urbis
 Felix intacta cum Genitrice senex ,
 Scilicet his tectis tantus non clauditur ignis ,
 Tanta nec angusto condita gaza sinu .*

Ad Beatissimam Virginem

Cum Sponso Josepho Bethlehem profici scentem .

*Sedula quid properas casto cum coniuge Virgo
 Fœnora iussa Urbi solvere Bethlemicæ ?
 Cum sacro edideris cœlestem è viscere fatum
 Tum nil , quod cupiant , terra , & Olympus erit.*

De Puero Jesu Vagiente .

Sponsa ad lacrymas se adhortatur .

*Ad Pueri cunas properant è sedibus altis
 Concinit æthereum turba ministra melos .*

Sed

*Sed gemit heu puer : alterutrum cessare necesse est ,
 Seu cantum Aligerum , seu gemitum pueri ,
 Vos ergo , o superi vestros rogo sistite cantus ,
 Vox Pueri in nostra dulcius aure sonat .
 Ast ego quid volui ? flebit mea sola voluptas ?
 Sis Puer lacrymas , vos canite , ipse gemam .*

Jesus puellus .

In cunis lacrymatur ;
 Nivibus comparantur lacrymæ .

*Vagit in horridulo soboles divina cubili ,
 Et vivo teneras irrigat imbre genas :
 Intactas ne quære nives ; cur frigora ludent ,
 Quas pius omnipotens igne coegit Amor .*

In Christi Natali .

Exiit edictum , ut describeretur universus Orbis .
 Ad Romam .
 Felicior universi Orbis descriptio .

*Inmensus dum Roma tibi describitur Orbis ,
 Quis labor innumeros est numerare homines ?
 Unam Virginibus divinam adscribere Matrem
 Disce , interque homines adnumerare Deum .*

Deus Homo .

Super illa verba Geneseos. Cap. 3.

*Ecce Adam quasi unus ex nobis factus es.
 Ecce Adam similem nobis , Deus inquit , ubi illum
 Pelliceis olim vestibus induerat .
 Nunc ubi mortalem ipse sibi circumdat amictum
 Dicat homo ; nobis tam similem ecce Deum .*

Deus Infans .

Quod facillè placetur , utpotè qui puer .

*Huc ades, ò summum metuis quicumque Tonantem ,
Et sceleris refugis conscius ipse tui ,
Placatur subito Deus infans , aspice , inermis
Fulmina de cunis mittere nulla potest .
Non credis ? gemitus, lacrimæ, vagitus , ocelli ,
Vox tremula infantis non tibi dicit : Amo ?*

De
Christi Nascentis Humilitate.

Alluditur ad Crucem .

*Rex superum à summis descendit ad infima; quidnam
Sic disflare potest , ut Deus à stipula ?
Fallimur, heu ! duri stipulae sunt stipitis umbra ,
Mox ubi conscendet, tunc petet imā Deus .*

Ad Peccatorem

Adam ne timeat , ut dicitur de illo in 3. Gen.
Vocem tuam audiui in Paradiso , & timui ,

Epig.

*Adam se nudum ut vidit , vocemque Tonantis
Audiit , heu culpæ conscius extimuit .
Sed nunc ne fugias nudus , timeasque vocantem;
En infans vagit nudulus ipse Deus.*

In Christi Circumcisione .

5^t

Ipse loquitur .

Epig.

*Si mihi sanguinetum est omen , nomenque salutis ,
Atque hominum solo est sanguine tuta salus ,
Pergite jam reliquum venis haurire cruorem
Clavi, tela, flagrum , spinea ferta meum .*

In eadem .

Distichon .

*Jesus , Christus , Amor docuit , superavit , adussit ;
Terram , Erebum , Venerem : lege , cruore , face .*

In eadem .

Super verba Sponsæ inquentis. Cant. 5.
Dilectus meus candidus , & rubicundus .

Epig.

*Candidus , & rubicundus eris , tibi nomina sumis
Hæc duo , dum lacrymas sanguinolente Deus .
Candidus in lacrymis , rubra rubicundus in unda
Nomina habes proprii sanguinis emptæ notis ,
Sic , sic cana tuæ connectis lilia sponsæ ,
Lilia purpureis associata rosis .*

De Lacrymis Jesu

Recens nati. Distich.

*Ignis erat supera terris demissus ab arce ,
Ureret , ab ! socias nî daret ignis aquas .*

C a

In

In Epiphania Domini .

De Stella , quæ apparuit die Natali
Christi in Oriente .

Epig.

*Cum Sol occidua nitidum caput occulit undâ,
Ostendant rutilas astra minora faces .
Sic Deus, humanas dum se submittit in oras ,
Stella novum Eoo spargit ab Orbe jubar .
Plurima mox toto fulgebunt sidera cælo ,
Cum tenebris moriens texerit ille diem .
Surget homo æternos iterum victurus in annos
Credite : mortalis jam tegit umbra Deum .*

Super illud.
Turbatus est Herodes .

Matth. 2,

Epig.

*Regia cur misero miscentur testa tumultu ,
Et novus in cædes excitat arma dolor !
Quis timor exagitat Regem, dum læta per Orbem
Pax viget , & nusquam bella cruenta sonant ?
Mens gerit ipsa sibi occultum malè conscia bellum ,
Nullaque pax sceleris regna tenere potest .*

In eadem Epiphania ,
Ad Puerum Jesum .

*Te Regem Reges , hominemque , Deumque fatentur ,
Thure, auro, myrrhâ, munere quisque suo.
Ast ego, cui nullum est triplici de munere munus ,
Me tibi Christe dabo Regi , homini, atque Deo.*

In-

Infantis Dei munera .

*Ecce Deo infanti prout dant munera Reges ;
Non sibi , sed nobis accipit illa Deus .
Credite , cuncta dabit ; quin se dabit ipse : timere
Nescit egestatem nudus , amansque Deus .*

In Eadem.

*Votum Magorum pro Stella .
Sapphicon .*

*Solis aeterni jubar , ô beata
Stella , quâ Titan veniente cedit ,
Nascere , ô Celi decus , & perennis
Nuncia lucis .
Non hyems , æstus rapidus , nec imber ,
Vasta nec ponti restuentis unda
Te sequi , aut disjuncta procul vitabit
Æquore tellus .
Tum novo Regi , duce te , Sabæi
Touris , ac Myrrhæ sacra dona , & auris
Supplices , & tum dabimus tenellis
Oscula plantis .*

De Tribus Magis .

Distichon .

*Miraris , quod terna ferant tres munera Reges ,
At mirare magis , quid Deus accipiat .*

De iisdem

Aliud.

*Purpura, Sceptra Deo flectuntur, corpora Regum:
Pugnax solus homo flectere corda negat.*

Imago Christi pueri, ac D. Stephani
Protomartiris

*Se invicem floribus coronantium.
Oblata occasione tabulae id
exprimentis.*

*Hic ubi caelesti Puerio fert lilia tellus,
Dat Stephani JESUS candida ferta comis.
Accipe virginis si res monimenta pudoris,
Hæc tibi ferta, mihi spinea texcit Amor.
Sic Puer ille rosas radiantia tempora circum
Subnectit Puerio sanguine purpureas.
Quæ tu, Deus, o Divi, fertis certare? Corona
Et Stephani Puer est, & Stephanus Pueri.*

De B. Virgine

Puerum Jesum quærente.

*Cur negat Aurora Solem lux tertia, quartam
Expectare diem lux sine luce potest?
I. Puer Omnipotens, mæstamque revise parentem,
Non vixisse sat est tres sine Sole dies?*

De:

De Puerio Jesu

Inter Beatissimam Virginem, ac D. Josephum
incedente. Epig.

*Dextrâ hinc Virgo, senex puerum regit inde sinistrâ,
Qui imperio terras, æquora, & astrâ regit.
Quæ majora putas miracula? posse puellum
Hunc Orbem regere, an sic voluisse regi?*

Jesus.

Divinus Amor silentio,
Et lacrymis facundus.

Epig.

*En file! Omnipotens, cujus vox condidit Orbem;
Nulla etenim tacitus verba ministrat Amor.
Sed tamen interea lacrymatur nudulus infans,
Sic facundus Amor, vel sine voce jubet.
Ergo lingua file, lacrymæque silentia rumpant,
Nam quis amans possit, dum tacet ille, loqui?*

Ad Puerum Jesum.

Super illud Apostoli,
Vivo ego jam non ego.

*Matre puer solus pulchrâ formosior ille est,
Qui nostro dudum è pectore cor rapuit.
Jussit & ille mori: sed vivere jussit amantem.
Heu nimis ad pœnas ingeniose puer!
Namque, ubi jussa sequi, fugientem vita secuta est,
In vacuo solus pectore vivit Amor.*

C A

Aliud

Aliud.

Super illud ejusdem Apostoli
Cupio dissolvi, & esse cum Christo.

*Mi Jesu mæstam toties cursu permixta amantem
Perpetuoque jubet imbre rigare genas?
Jam dudum pulchris ardent mea viscera flammis,
Nec tamen optato das in amore mori.
O utinam totas absumat flamma medullas!
O moriar telis faucibus facta tuis.*

De S. Simeone.

Cum accepto Jesu in ulnis
cecinit

Nunc dimittis servum tuum. Luc. 2.

*Nunc mihi solve precor vitæ, Pater optime, nexus,
Da nunc extremum lucis obire diem.
Aspicit en mea lux, en excipit ulna salutis
Authorem, prisca quem cupiere Patres.
Gentium hic æternum lumen, Solisque perennis
Gloria, Davidis splendor, & Isacidum.*

De eodem.

Idem argumentum.

Epig.

*Vidit ut æternum parvo sub corpore Verbum,
Amplius haud Simeon (crede) videre cupit.
Magis senex oculos cur nam vis claudere? Mundi
Vidisse authorem an fortè videre sat est?
I felix, dulci componas lumina somno,
Vivere sat tibi sit, quando videre sat est?*

Ejus.

Ejusd. Argumenti
Aliud.

*Sat vixi, vidiq̃ue satis: quot in ordine Reges
Cernere tunc oculis hunc voluere diem.
Jam letus moriar, claudantur lumina somno,
Atq̃ue videre diem hunc sit potuisse satis.*

De eodem. D. Simeone
Super idem Argum.

Epig.

*Vix Christum Simeon tremulas accepit in ulnas;
Cum parat extremum claudere in Orbe diem.
Quid mortem timeat, cui pectore vita resedit:
Cui fas indutum carne videre Deum?
O te felicem, vitæ cui contigit annos
Claudere, & extremum sic potuisse diem.*

De Imagine Pueri Jesu
In sinu B. Virginis, & ejusdem è cruce pendentis;

Epig.

*Te gestare ulnis Jesu pulcherrime amoris
Vellem: quid faciam si nimis aadet amor?
Annuat ergo meis, vel Virgo maxima votis,
Vel mihi flectantur brachia dura trahis.
Hæret Virgo diu, Natumq̃ue amplexa moratur,
Difficile à Christo est dissociare Crucem.
Vincendum est. Mater lacrymis flectetur amaris;
Cruce leve pondus erit, jam satis alterutrum est.*

In ipsum diem

Nativitatis Christi, & diem mortis ejus.

Epig.

*Nox est clara dies, novus hic dum Sol venit: ergo
Dum fugiet, clara nox erit atra dies.*

In Christi Transfigurat.

Epig.

*Quo alluditur ad stemma Urbani VIII.
Pontificis, qui eodem die in summum
Pontificem assumptus est.*

Epig.

*Excelsum quem clara vides propè sidera montem,
In quo Phœbeam reris inesse domum.
Hic regit Urbani rutilantia stemmata, summum
Imperium, qui nunc Urbis, & Orbis habet.
Nam præses Cæli, & Christi par nobile fratrum,
Tollunt altisoni ad culmina montis apes.
Thebites adstant vates hinc, legifer inde
Ætheream clavem gestat uterque manu.
Quos inter Jesus niveo splendore coruscat,
Tergeminum cingit cui Diadema caput.
Stemmata si nescis olim, quis finxerit author,
Edidit Urbano cælitus illa Deus.*

De:

De eodem Argumento.

59

Epig.

*En Sol Justitiæ sublimi in vertice montis
Æternum sacro fundit ab ore jubar.
Splendidior Cælo fulgens Urbs alma Quirini
Urbanum summum tollit ad astra Patrem.
Næquicquam terris profundis lumina Pœbe,
Nam geminos Soles vix capit una dies.*

Jesus

Decem leprosos mundat.
Unus tantum revertitur.

Epig.

*Audiit infando conspersos ulcere Jesus,
Et fœdam lepræ jussit abire luem.
Et bisquinque novem immemores, memor extitit unus
Despectæ felix incola Samaria.
Christe rogas, reliqui cur non rediere sodales?
Decepit miseros impia turba viros.*

De Christo Domino Crucem ferente.

Epig.—

*Ardua fustes properans ad culmina montis
Heu! Crucis oppressus pondere, Christe cadit.
Quid fera turba cupis lapsum subducere morti,
Imponisque humeris prætereuntis onus?
Parcendo magis hostilis clementia servit,
Et magis impietas hac pietate furit.*

In Christi mortem.

Distich.

*Franguntur lapides, vertuntur mœnia ab imo;
Saxea tu solus frangere corda nequis.*

Ad latus Christi

Lancea perfoſſum. Distich.

*Cor, dilecte, mihi referas, mihi pectora pandis?
Ingrediar tandem; tunc mihi claude sinus.*

In Sacram Eucharistiam.

O D E.

*Alternis, superi, dicite cantibus
Cœlestes epulas ad citharæ melos,
Mecum dulcisonis edite vocibus
Festum lætitiæ diem.
Nam rerum omnipotens arbiter, & sator,
Orbem munifico Numine qui regit,
Æternas homini delicias parans
Hauſit fidereas opes.
Qui latum digitis explicat æthera,
Et clavis tremulum fideribus jubar
Impertis, pavidis horrifonum procul
Terris dissociat mare.
Phœbo, dum liquidas signiferi plagas
Lustrat curriculo, dat celeres rotas,
Et lunæ dubium lumina præcipit
Ex umbris referant diem.*

Hic

Hic ventos graditur pennigeros surge,
 Quassans terribili fulmina dexterâ
 Hic nutu revocat præcipitem Africum,
 Euros, & pluvios Notos.
 Ast (ò quàm validus vicit amor Deum?)
 Mortali similis sit puer, & latens
 Matris Virgineis visceribus tegit
 Immensi iubar Imperj.
 Natus dein stipula vagit in horrida,
 Et brumæ rigidis frigoribus tremit,
 Inde hostis metuens insidias feri,
 Insanasque minas fugit.
 Tandem per lacrymas, & gemitus Crucis,
 Ad mortem properans (heu sceleris mei
 Horrorem?) horribilem scandis in arborem
 Totus sanguine perfluens.
 Sed quas Christe epulas noctis in ultima
 Cæna das miseris? Deficit hæc mea
 Vox versa in lacrymas attonito stupens:
 Hæret lingua silentio.

In eandem.

O D E.

Aeterni Patris unice,
 Intactæ soboles unica Virginis,
 Jesu Cælituum decus
 Cur parvâ Cereris clauderis orbitâ?
 An quodcunq; boni legunt
 Clausum cœruleis sidera in orbibus,
 Parvo condis in ambitu,
 Hoc ut nostra bees pectora ferculo?
 Jam posthæc igitur vale
 Fulgens innumero Regia fidere,
 Te Jesus liceat frui,
 En formosa libens sidera respicio.

In eamdem.

Ode.

Jesu perenne gaudium
Spes, vita, amorque cordium
Nobis datum mortalibus
Pignus futuræ gloriæ.
 Olim dedisti sanguinem
Pretium salutis in Cruce,
Ut nos beares: nunc sacro
Sub panis orbe clauderis.
 Angelorum conditor,
O lucidum cæli decus,
En summa, quod te Charitas,
Quod vis amoris intulit!
 Agone mortis ultimo
Premente, Christus se dedit
Hominibus in convivium,
Ut vita mortem perderet.
 Dulcedo Jesu cordium,
Et suave mentis gaudium,
Cir sic repente pervolas
Discrimen ad divæ necis!
 Ingressus horti limina
Levamen ô vitæ cadis,
Vultusque divini decus
Pervadit exanguis color.
 (deesse videtur aliquid)



Emi-

Eminentissimo D. Cardinali

BERNARDINO SPADÆ,

Et P. Virgilio Fratribus, pro Christi Natali die, & novo anno ineunte.

Xenia Sacra. Epig.

*Sol Christus cum Sole novo dùm nascitur Orbi,
Dùm geminos Soles lux gēminata vehit;
Scandite inaccessās nobis exasticha sedes,
Et geminis Dominis omina lata date.
Omina vos tantum satis est dare: parvulus ille,
Qui venit è Cælo munera digna dabit.*

In Conceptionem B. Virginis.

*Preme tuas jam Gange comas, quid Phæbe moraris?
Rotisque siderum agmen ultimum preme.
Æterni en Aurora venit prænumcia Solis,
Puella siderum nitore pulchrior.
Quæ pariter, spes certa manet, castissima Virgo,
Et alma crede Numinis parens erit.
Fallor, conde facès Titan, tua lumina conde,
Beatior lumine hic dies nitet.*

Imitatur Poetria in superiori carmine
Horatianam oden, quæ in Epodw lib. est
XVI.

Ode Acrosticha.

Candida Virginei referens exordia partus
 O rbi recluditur dies.
 Non ullis Titan Gangis redivivus ab unda
 C omas tenebris implicet;
 Eripiant nubes Helenæ duo sidera, nautis
 P acata subsidant vada:
 Tristis nox Erebo lateat, lux aurea Cælo
 I nducat æternum jubar.
 Ornetur pacis blando Thaumantias arcus
 G ræque discoloribus.
 Longâ quam serie vates cecinere, Puella
 O ter beata Virginum.
 Regina, & summi genitricis sæcunda Tonantis
 I n matris alvo clauditur.
 O mater quondam sterilis, nunc munere tantæ,
 S ublimis Anna, Virginis;
 Æternæ superum celebrant tua gaudia mentes.
 V ereque felicem canunt:
 Ipsa etenim Cæli veniens è sedibus in te
 R econditur beatitas.
 Gaudet floricomis tellus circumdata fertis
 I nter pruinas, & nives.
 Non spinas, sterilemque rubum, dumosque cruentos,
 I njussa sed fundit rosas.
 Secula namque iterum fulvo renovata metallo
 M ortalibus Virgo tulit.
 Aspice glandifera stillant ex ilice mella,
 R ivique nectaris fluitant.
 Ipsa suas miratur opes, & munera tellus,
 Æ thæ tibi nec invidet.

Ad Beatissimam Virginem.

Tetrastichon.

Tota pulchra es.

*Aspexit cum Virgo tuos pulcherrima vultus
 Omnipotens hominum, cœlicolumque sator.
 Ad superos conversus, ait, vos cedit Divi,
 Pulchrior est vestris ista puella Choris.*

In Nativitate B. Virginis.

Acrostichon.

*Materno prodit felix e ventre Puella
 A d superos hominum que feret una genus.
 Regum stirpe nata est summorum maxima Virgo,
 I ntacta ex alvo sed dabit illa Deum.
 Anna dedit sterili cœlestem e viscere fœtum:
 V irgine, quam peperit, sed fuit Anna minor:
 Infelix miseros occidit si Eva nepotes
 R eddidit hæc vitæ, quos dedit illa neci.
 Gaudia summa videt jam nunc lætissimus Orbis:
 O felix tantæ Virginis Anna parens!*



In Præsentatione B. Virginis .

Tetrastichon .

*Særa Deo quondam, veteres pertasa figuras,
 Dona Palæstini respuit Ara senis .
 Non placant Numen templo data munera sola ,
 Hæc placare potest trimula Virgo Deum.*

De Annunciatione B. Virginis.

*Ardens Virgineo Phæbus velatus amictu ,
 Mitius arduos dirigit inde faces .
 Sic Deus intactæ niveâ modò Virginis alvo
 Velatus, fundit mitis in Orbe faces.*

De Visitatione B. Virg. ad Elisabeth.

Octastichon .

*Sedula saxosi superat fastigia montis
 Virgo, & ventorum gressibus æquat iter.
 Nec mirum : nullo tardatur pendere ventris,
 Nam sponte omnipotens tendit ad alta puer .
 Virgineis pedibus celeres amor addidit alas ,
 Ut possit longè tædia ferre viæ .
 Ergò age Virgo parës, montes conscende, sed heu! quem
 Fers utero natus, mox feret ipse Crucem .*



De

De Assumptione B. Virginis.

Oëstichon.

*Jam super Æthereos Virgo conscenderat orbes,
 Fulgebatque, astris jam redimita comas.
 Cum tandem extremis Thomas revocatus ab Indiis
 Adfuit ad Magnæ Virginis exequias.
 Percipit aure melos, divinum linthea odorem
 Spirant, sed nusquam pignora sacra videt.
 Tunc ait attollens lacrymantia lumina: vellem;
 Essem ni Didymus, Dædalus esse magis.*

In eodem die festo.

Sol ad Virginem loquitur.

*Ingredere, & nostros Virgo ne despice currus;
 Nec pigeat niveâ flectere lora manu.
 En Sol splendidior, dum te comitatur ovariantem;
 Luminibus cedunt lumina nostra tuis.*

Luna

Ad eandem Virginem.

*Olim nocte micans Phæbo redeunte recessi,
 Et mea pervasit plurimus ora rubor.
 Postquàm Virgo tuis substernox gressibus, ipso
 Cynthia jam Phæbo clarior ecce mico.*

Sidera

Ad eandem.

*Astra quid ostentas Cælum Vestigia Virgo
Imprimit en astris lucidiora tuis.*

In octava

Ejusdem B. Virginis Assumptionis.

*Ecce redit Cælo septenum ductus in orbem,
Virgo dies, quo Luna tibi, pedibusque sub imis
Sidera pressa jacent, omnisque est subditus Orbis
Vos superi celebrate diem, festasque choreas
Ducite, vos Mundi dominæ pia reddita vota,
Felices animæ, templisque incendite thura
Virginis, & nati quæso mihi flectite numen.*

In die S. Mariæ ad Nives.

*Flammigeris Phœbi radiis percussa caloris,
Impatiens tellus, imbres rauco ore debescens
Invocat, atque imo depromit pectore voces.
O cui stellifero radiant diademate crines
Regnatricæ Cæli, Virgo, summique Tonantis
Alma parens, superum decus, ex mortalibus una
Omnipotentis amor, hominum spes unica, vitæ
Inventrix, genitrixque Dei, via regia Cæli,
Da pia Virgo nives, dum nos tibi vota, precesque,
Hic ubi consurgunt nivei fastigia templi,
Ore damus, dum Roma sacris advolvitur aris
Roma nives orat: niveis Virgo annue votis.*

De

De Nivibus æstivis B. Virginis .

Distichon .

*Hic amor in nivibus sociavit frigora flammis,
Quo facta est olim Virgo jubente parens .*

Aliud ejusdem argum.

*Has tibi Virgo nives Cæli dimittit ab hortis ,
Non potes æstivas Roma timere faces .*

Aliud .

*Exquiliis ne sperne nives æstate coactas :
Frigoris ô quantum, si bene tangis, habent ?*

De Beatissima Virgine .

Distichon .

*Filia, Sponsa, parens, fleçtit, devincit, adorât ;
Patrem, ignem, natum, lege, pudore, prece .*

De eadem .

Distichon .

*Fœmina, fortis, ovans, salvavit, fregit, adivit,
Terram, Erebum, Cælum, lege, dolore, Deo ,*

Sponsa

Sponsus alloquitur Sponsam.

Pulchræ sunt genæ tuæ .

*Næque aded pulchræ sunt, sponsa, genæque, rosæque
Divus ut ex illis sæpè triumphet Amor .*

Sponsæ responsio .

Nigra sum', sed &c.

*Pulchræ (Sponse) genæ, sed per te; ut pulchra colores,
Sole percussæ, discolor Iris habet .*

Ad Sanctissimam Deiparam.

Tetrastichon .

*Arca ornata auro , non aurum tota nitet at ,
Aurum tu tota es, tota que Virgo nites .
Et cum plenus erat tibi venter pondere sacro ,
Viva fodina auri nos redimentis eras .*

De SS. Innocentibus.

Prima Christi victima .

*Sensit ubi inflicto plorantem vulnere Jesum ,
Bethlemico degens turba tenella solo .
Exclamat: solus patitur quid vulnere Christus ?
Nos quoque bima Deo victima grata sumus .
Parcite. Cur vitam infantes profunditis ? agnus
Delicta hic unus tollere cuncta potest .*

De

De D. Paulo Apost.

Epig.

*Aurea dum scivus præcidit guttura liëtor
 Mortua vox Jesum ter geminata sonat.
 Extincto manant vivi de corpore fontes,
 Lucrum cui mors, & vivere Christus erat.
 Dùm Christo fundit lactis pro sanguine rivos,
 Ad superos Paulo lactea facta via est.*

D. Prisca Virgo, & Martyr Leoni
objecta.


Epig.

*Aspicit innocuum Virgo secuta leonem
 Vulneribus, liëtor, saucia facta tuis.
 Nempè feræ incipiunt scivos dediscere mores,
 Humanos postquam dedidicere homines.*

De eodem Leone.

Distichon.

*Sidera, si vobis curæ est servare Leonem,
 Hoc nullus vestro dignior orbe fuit.*



Petrus

Triumphator in vinculis in custodia Mamertini .

*Tarpeiis ubi tecta latent excisa cavernis ,
Et nigro squallent carceris antra situ .
Huc Orbis rapitur Princeps , quem ferrea neclunt
Vincula , sed his Orbem vincere Petre potes .
Spernite victores Capitolia , clarior iste
Sub Capitolina rupe triumphus erit .*

B. Maria Magdalena

In solitudinem proficiscitur .

*Horrida saxa vides pendentia tecta ferarum ,
Antraque cervino vix adeunda pede .
Hic ego praeclatas inter mea crimina rupes
Flebo : deliciis hac domus apta meis .
Pectoris ad gemitus nostri , citharamque doloris
Aligerum catus concinet ore melos .
Mors tua Christe mihi , & poenarum sola voluptas
Pellenda fuerit dulcior esca fami :
Unda deest , inquit , labris arentibus humor ,
Qui fluit ex oculis pellet ab ore sitim .
Hic deerit florum terrae decus , arida quamvis
Florebit lacrymis terra rigata meis .
Horrida sunt aliis nemorum penetrabilia , tales
Haec mihi perpetuo dent loca delicias .*



De S. Andrea Apostolo.

73

Epigr.

*In Crucis amplexu senior cum prorsus inhæsit ;
O quæsitâ diu Crux bona, dixit , ave .
Regia tu Solis, vitæ arbor, gloria Regum ,
Spes hominum, pacis fœdus, bonoris apex .
Scilicet Andrea mutant nova gaudia mentem ;
Ut mentem in fœcco stipite inesse putet .
Vel potuit voces audire , & reddere postquam
Crux facta est tactu vivida, Christe, tuo .*

De Sepulchro S. Bartholomæi Apostoli

In insula Tiberina .

*Hic ubi me dives gemino secat insula ponte ;
Et refugit medio lympha repulsa sinu .
Urna latet, sacri cineres complexa Patroni,
Has tibi, Roma, suas India mittit opes .
Aurea Pactoli cedat mihi divitis unda :
Ditior è nostro gurgite lympha fluit .*

De eodem Sepulchro .

Aliud .

*Quæ gelidas potuit flammis succendere terras
Tybridis in medio conditur urna fœnu .
Quid mediis undis mirer ni extinguitur ignis ?
Mirum est , ni flammis ardeat unda minor .*

D

De

De S. Laurentio Martyre.

*Subiectos lateri spernit Laurentius ignes,
 Intus cui Christi pectus ab igne calet.
 Flumina si nequeunt cordis restinguere flammam,
 Quis credat flammam ignibus obruere?*

De Effigie S. Sebastiani in vulnerum curatione, per Irenen facta, languentis.

Epig.

*Tot mea lethales fixerunt membra sagittæ,
 Ut densa in toto corpore sylva foret.
 Nunc pietatis amor geminat mihi funera, dum quæ
 Impietas fixit vulnera, theca rapit.
 At penè extinctos animus non deserit artus,
 Semianimisque nitet vivus in ore color.
 Spicula perge tamen pietas educere: palman
 Funeris invicti tertia pena manet.*

De Quinquaginta Viris.

A' Diva Catharina Alexandrina ad Christi fidem conversis.

*Virgo senes decies quinos partu edidit uno,
 Quis dicat sterilem Virginis esse sinum?
 Sed cur, quos peperit non nutriti ubere factus,
 Si nequit hæc natos ubere, vulnere alit.
 Namque ubi virginea caput à cervice recedet,
 Liclor, parva mora est, lacte madebit humus.*

In

In Decollatione S. Joannis Baptistæ.

O D E.

*Aspice, ut sacri capitis peremptū
 Voce majestas veneranda pallet;
 Mortis, & sœvi sceleris repertor
 Dire Satelles.
 Intulit mortem dapibus puella
 Saltibus fœdis, glacialis unda
 Fluminis turpi rapuit reciso
 Gutturè membra.
 Ille fulgenti decoratus auro
 Sedibus Cœli meritis receptus
 Orbe terrarum celebratur omni
 Laude Joannes.
 Floribus templum, roseisque fertis
 Vatis excelsi redimite frontem
 Virgines sacræ simul, & peregrinæ
 Dicite laudes.*

D. Catharinæ V. & M.

Galaxia.

*Dum caput invictum crudeli abscinditur ense;
 Gutturè Virgineo flumina lactis eunt.
 Mirum hoc quis credat Virgo? num sanguine ab ipso
 Barbarica incessit Militis ora rubor?
 An tibi, dum diræ calcas pede limina mortis,
 Panditur ad cœli sidera lactis iter?
 Vel potius cœlo Virgo addis sidera, namque
 Hoc quota fonte cadit guttula, stella cadit?*

D 2

I.a.

*Lacteus è mediis discedat circulus astris,
Hoc melius Cæli flumen in axe micat.*

Agatha Virgo

Vulneribus decorata,

*Ubera præcidit geminato vulnere lictor,
Sed formam ludent vulnera nulla meam.
Namque ego purpureo cæpi decorata colore
Inter Virgineas pulchrior esse nives.*

De eadem Virgin. ac Mart.

Epig.

*Quis tandem in teneras furor est scire papillas?
Cum spernit scivas Virgo tenella manus,
En quod scæta duplex in Virgine syllaba reddit,
Impie si nescis Ubera scæta docent.*

Vincentius

*Inviæctus Martyr inter ipsas
florum delicias,*

*Quem nec virga furens, nec stridens flamma peremit,
Cui peperit moiles horrida testa rosas.
Floribus in mediis Vincentius occidit, atque
Deliciis certam sentit inesse necem.
Impletas ne quære ignes: nam perdere cum vis
Nil opus est flammis, floribus interemis.*

Agnetis

Agnētis

Virginis pudor ab Angelo vindicatur.

*Ducitur obscenam Virgo sub fornicis umbram
Mitis, ut immitis præda sit agna lupi.
Cum subito juvenis Phœbeis clarior astris
Districto sædas occupat ense fores.
Parce metu Virgo, nulla hic jactura pudoris;
Incipe tu potius, prædo, timere tibi.*

D. Marthæ

S. Marij conjugii, & Matri
SS. Marr. Audifacis, &
Abachij.

*Sponte subit flammæ, ensesque invicta Virago;
Nec timor est raptam cernere utramque manum;
Ne jactet dextrâ contemptos Mutius ignes:
Plus potuit pro te femina, Christe, pati.*

De S. Felice Nolano,

Qui Aranei telâ tutus in
persecutione fuit.

*Cum Fælix hostem fugiens latuisset in antro;
Hiscens cui paries fecerat ante viam:
Numinis accitu properavit Arachna, suoque
Sedula non tutum flamine clausit iter.
Si pridem tales nevisset Aranea telas,
Non foret ingenio Palladis inferior.*

De S. Francisci Vulneribus.

*Hæc tulerat duro pendens è stipite Christus ,
 Quæ Franciscæ tibi vulnera fixit amor.
 Sunt pariter numero, signisque simillima ; sed cur
 His moritur Jesus , vivis at ipse diu ?
 Distulerint quamvis morienti hæc vulnera mortem ,
 Vivere sic plus est, quàm potuisse mori .*

D. Hieronymus

*Dum viveret Christi cunas incolebat ,
 Mortuus quoque ad easdem in
 Esquiliis sepultus.*

*Romuleas arces olim dum vita manebat
 Deserui , has iterum post mea fata colo .
 Num diversa, rogas, animo sententia surgit ,
 Si despecta prius nunc mihi Roma places ?
 Ad sua me quondam traxit cunabula Christus ,
 Hic eadem memores cura fovet cineres .*

D. Terefia

Adhuc puella ad martyrium properat.

Epig.

*Siste, quid amplexus matris, patriamque, domumq ;
 Amplexura necem, dia puella fugis ?
 Vix flet ingenuus tantillo è pectore sanguis,
 Vulnera nec parvo corpore multa feres .*

Unia

*Unius eriperet vitam tibi vulneris ictus,
 Hostis amoris te spicula mille manent.
 Nec tibi rapta gemas invictæ præmia laudis,
 Sed cui posse deest, sit voluisse satis.*

Ad D. Athanasium

Alexandrinæ Ecclesiæ
 Antistitem.

*Sive hosti occurras, conversâ in flumine cymbâ,
 Hostilis mirâ luditur arte furor.
 Seu patris attonitum viventem terra sepulchro
 Excipit, innocuo te fovet in gremio.
 Ergo qualis eris Cæli inter numina, quando
 Inter mortales Athanatos fueras?*

D. Benedictus Abbas

Romam fugiens speluncam eligit.

*Inter inaccessæ prærupta cacumina rupis
 Antra videns volucris vix adeunda puer:
 Jam sordetis, ait, Romana palatia, castus
 Effugiet vestras hic pudor infidias.
 Huc Benedicte subi, quamvis impervia, possunt
 Antra tibi hæc certam pandere ad astra viam.*



In S. Thomam

Aquinatem impudicam titione fugantem.

*Aspice ut effrontem juvenis fugat igne puellam,
Et cruce non fidas obferat inde fores.
Caelitus hæc Numen casto dedit arma pudori:
Arma, quibus Lerneæ lurida monstra cadant.
Ffferat Alcideæ famam mentita vetustas;
Ignibus bis, clavâque bydra perempta fuit.*

Idem Puellus

Scriptam Salutationem Angelicam
ore deglutit.

*Quod tibi Virgo tui genitrix intacta parentis
Cælestis quondam dixit Ephæbus: Ave:
Hoc infans Thomas rapiens tenero excipit ore;
Condere non poterat nobiliore loco.*

De manu

S. Francisci Xaverii.

*Quem procul à nostris Neptunus dividit oris
Ecce triumphato dextera ab Orbe redit.
Ut quæ olim Christo populos & regna subegit,
Terrarum domina regnet in Urbe manus.
Hæc eadem qualis medio apparebit Olympo
Dextera, Xaverius cum premet astra pede.*

SS.

SS. Justus , ac Pastor pueri,

Fratres , ac Martyres.

*Ingentes animo germani ætate Puelli ,
 Quos amor , & Christi junxerat una fides ,
 Dum pariter discunt Latine primordia lingue ,
 Lævibus & tabulis sculpta elementa notant :
 Ecce, ajunt, hominum Christi pro nomine passim
 Ense sub hostili millia multa cadunt .
 Hæu piget attritos manibus tractare libellos ,
 Non artes capimus , docta Minerva , tuas .
 Nec mora : proripiunt sese per tela , per hostes ,
 Optata obiciunt lactea membra neci .
 Tam citò quid tandem pueri didicere relicta
 Pallade ? Pro vera Religione mori .*

De iisdem SS.

*Qui genuum vestigia lapidi impressa
 reliquerunt.*

*Digna Deo soboles , Cæli duo sidera , fratres :
 Dant gemini diræ membra tenella neci .
 His violenta manus caput abscidit , horrida cautes
 Excepit molli corpora trunca sinu .
 Obstupuit natura parens , dum (flebile visu)
 Mollescunt lapides , saxea corda rigent .*

De iisdem ,

Quòd nobilius studium appetierint ?

*Cernis ut impavidus densos concurrat in hostes
 Pastor , cui comes it Justus , uterque puer ?*

D 5

Atque

*Atque olim gratas puerili è pectore musas
 Pellunt, & studio nobiliore flagent.
 Siste gradum quicumque petis studiosus Athenas:
 A nostris pueris discere plura potes.*

D. Urfulæ.

Virgini, & Martæ.

O D E.

*Inter armorum sonitus furentes,
 Milites inter, clypeos, & arcus
 Virgo bellatrix melior Camilla
 Emicat ardens.
 Gaudet hostilem rubuisse terram
 Sanguinis nimbo, cecidisse, nec dum
 Horret, immitti revoluta passim
 Corpora cæde.
 Mille jam felix decorata palmis,
 Dum sacros hostis jaculatur artus,
 Virgines Virgo sequitur beatâ
 Morte triumphans.
 Non rosas tinxit crûor impudicus,
 Quem Venus fudit: madesacta tellus
 Virginum sparsa didicit cruore
 Pingere flores.*

D. Lucæ Scriptori sacro.

Epig.

*Seu calamo historias, & sacra volumina pingis,
 Seu celebras Pauli sedule Scriptor iter;
 Nulla indicta tibi gestarum tempora rerum,
 Amorum numerum, nomina nulla files.*

As

*Ast ubi discipulis se binis addit Iesus,
 Alterius nomen cur siluisse potes?
 Non Lucam oblitum, aut nomen latuisse putandum,
 Sed Cleophas unus, tu comes alter eras.*

De Vinculis S. Petri.

Principis Apostolorum.

*Cum defessa senis captarent membra soporem,
 Clauderet & dulcis lumina bina quies.
 Auricomus juvenis Cælo demissus ab alto,
 Ferrea dum solvit vincula dixit, abi. (dixit,
 Tum Petrus lacrymans, manibus date vincula,
 Nam vinclis major gloria nulla meis.*

S. Marthæ Virg.

Epig.

*Cum tua tecta subit Cæli, Superumque reperi,
 Cumque parias Domino sedula Virgo dapes:
 Millia Cælituum circumstant agmina; totus
 Advenit Astrifero missus ab axe chorus.
 Magdala germanam parce incusare querebis;
 Millia si assistunt, illa sedere potest.*

S. Annæ

B. Virg. Mariæ Genitrici.

*Insecunda prius, post secundissima, Cælo
 Edidit intactæ Virginitatis opes.
 Anna vetus cedat non concessura Phenemæ;
 Aut si que priscis clarior ulla fuit.*

*Matribus ista olim partu felicior uno,
Si Natam excipias, omnibus Anna præest.*

De S. Thoma Apostolo,

Cum vidit Dominum è mortuis revixisse.

*Quem trabe suspensum, & triductum pectora ferro
Vidi, atque exanimem frigida clausit humus,
Vivere non credam, Thomas incredulus inquit,
Aspiciam ni oculis vulnera dira meis.
In manibus ferri vestigia cernere certum est,
Inde tuum dextrâ hac tangere Obriste latus.
Annuït, & plagas en fas est cernere, Jesus
Inquit, tange manus, seu cupis ecce latus;
Ut tetigit Didymus, Dominumque, Deumque fatetur;
Hæc Obristi plagas vis tetigisse fuit.
Tangeret has Didymus, citius puto disceret ille,
Qui potuit tactas edidicisse notas.*

De S. Philippo Nerio.

*Ardentes vidit Moses in vepribus ignes;
Nec tenui nocuit lucida flamma rubo.
Obstupuit, monituque Dei perterritus hæsit;
Et nudo gressu Numen in igne colit.
Quid faceret (reputa) si ardenti in corde Philippi
Vidisset niveis lilia mixta rosis?*

Maxima, & Donatilia Virgines

Pro Christo felle potantur.

*Virginea effuso languent dum membra cruore;
Uris & ardenti corda calore suis;
Hæsit*

*Hausit amor sitiens undantia pocula felle ,
 Et sitis, exhausto felle repulsa fugit .
 Mellis amara olim fuit (namq; Amor omnia vincit)
 Dulcia pro Christo pocula feliis erunt .*

De Aquila ,

**Quæ D. Richardum Episcopum
 Andriensem**

Alarum umbrâ in itinere ab æstu defendit.

*Aeris in medio pendet regina volucrum ,
 Et lentum incerto tramite carpit iter .
 Ut sacra Gargani scandat dum culmina montis
 Antistes , facilem præbeat umbra viam .
 Veloces Aquila miraris in ære pennas ?
 Miror ego hauc , sed cum tardiùs illa volat .*

De eadem

Distichon ,

*Ne mirere Aquile volitantis in æthere cursum ,
 Richardi ad nutum dirigit illa viam .*

D. Ludovico Episcopo Tolosano .

*Seu juvat arcanos Cæli penetrare recessus ,
 O locus , ô Regum gloria Sicelidum .
 Seu Ludovice juvat superius conscendere sedes ,
 Sceptraque sublimi regia ferre manus .
 Sub pedibus nubes , subiectaque sidera cernis ,
 Et Patris Ætherei lucida regna tenes .*

*As nos bella premunt, pestis depascitur Urbes ;
 Rebus & afflictis est propè nulla salus .
 Si potis es nobis iratum Reclere Nomen ,
 Ullæ nec cades , nec mala pestis erunt .*

De B. Joanne Columbino Jesuatorum. Fundatore.

*Sustulit indigno latitantem in pulvere Jesum
 Parva Columbinus pondera ferre putans .
 Mirer ne Alciden , humerisque Atlanta ferentem
 Orbem ? En ambobus fortior iste fuit .*

De Navi ,

Quæ D. Martham, & Socios Massiliam advexit.

*Aspicias ut certo puppis secat æquora cursu ;
 Et duce divino flamine carpit iter ?
 Æther pelle tuis audacem ex orbibus Argon,
 Hac auro Phryxi nobiliora vebit .*

S. Sophia.

*Sanctarum Virginum Fidei, Spei, & Charitatis.
 Mater .*

*Quam peperit secunda parens: Sapientia, proles
 Digna parente sua est, proleque digna parens.
 Nam Fidei una, Speique secunda, similissima Amor;
 Nomina Calicolum, tertia nata gerit;
 Cernere quisquis aves cum matre puellas:
 Hæc querere: en signat sanguis ad astra trina.*

De Corde S. Caroli Romæ affervato.

*Hic ubi mille sacro circumstant signa sepulcro,
 Consperfisq̃ue balat floribus ara decens.
 Vivida magnanimi conduntur pignora cordis,
 Quo propè jam spirat frigidus ipse lapis.
 Proijce non profecturas mors atra sagittas:
 Non poterit Corde hoc Roma animata mori.*

S. Felicitati.

Septem Fratrum Martyr. Matri.

*O Eo. si numerus Felici sorte beatus
 Æterno fulget lumine, Christus ait.
 Septem bis genitrix natos. Cælo ingeris iura,
 Bis Martyr felix ultima morte cadis.
 Ergo si felix natorum cæde fuisti,
 Nunc, ubi regna tenes lucida, qualis eris?*

S. Gregorio. Thaumaturgo.

*Ejus miracula recensentur, undè illi nomen
 inditum.*

Epig.

*Cernis ut attonitus lapidosa cacumina motas
 Gregori, & imperio mons animatus abit?
 Discordiq̃ue olim gaudentes gurgite pisces,
 Nunc pecudum sedes, arida prata colunt?
 Sistitur indocilis, cui nil obstabat eunti,
 Nec baculi fines præterit unda*

Norz

*Non mirum est igitur, si es mirus nomine: nam
Qui tot mira facis, nomina mira decent.*

In D. Cæciliam V. & M.

*Cæciliæ hinc hospes Cæli pulcherrimus: inde
Dat casto juveni lilia junctâ rosis.
Quam bene Virgineis præcingunt tempora sertis,
Quos idem necit Virginitatis Amor.*

De Angelo,

Cum Jacobo luctante. Ex Genesi 32.

*Primatu naturæ hominum dum vincere certas,
Dimitti Aurora cur veniente petis?
Vicisti. Mariæ Super sic cedimus omnes,
Ut redeunte die sidera cuncta latent.*

Ad D. Franciscum.

*Epidimiæ tempore,
Quæ Italiam passim valtabat.
de novo Templo
Capuccinorum familiæ Romæ in Hortulorum
colle excitato per Eminentissimum Card.
F. Ant. Barberinum Urb. VIII.
Pont. Max. Gerin.*

*Bellis, luemque atro vastantia funere terras
Vidimus, atque fuit mortis ubique timor.
Sed Francisce, tuus non inficiandus Alumnus,
Ille procul à nobis jussit abesse mala.
Scilicet infestis Populus ne pervius esset
Urbi transulit excubias.
Hostibus, vni*

De

De S. Dominico.

Alluditur ad Canis facem ferentis , nec-
non latrantis visum ,

Ante ejus Nativitatem .

*Ardes in axe Canis , rapidique incendia Solis ,
Ingeminans terras aestibus , igne cremat .
Alter at exiguus materna clausus in alua
Majores nitido promit ab ore faces .
Scilicet , ignitos cum ferrent astra calores ,
Edidit ipsa ignes amula terra suos .*

D. Lucilla .

Dum à B. Stephano P. & Mart.

Sacro fonte abluitur visum recipit.

*Luminibus Lucilla tuis fles lumen ademptum ,
Ast urbs cœlestis te abluit unda , vides .
Quod nunc nomen habes lucis , modò nomen habebas :
Tunc aberat , fidei nunc tibi lumen adest .*

Susanna Senior

Laudabilior , quàm Lucretia .

*Castâ minis intacta procùm Susanna , pudori
Dum propè nutanti quæreret effugia ,
Hæsit in ancipiti : neque hinc turpissima terret
Mors ait , hinc scelus , & Vindictis ira Dei .
Nec*

*Nec vitam servasse decet cum crimine, nec me
 Per scelus (ab) fame consuluisse juvat.
 Vita vale, & tu fama vale: nam vera subire,
 Ut falsa effugiam crimina, stultitia est.
 Amissam redimat ferro Lucretia laudem,
 Plus hac laudari, vel sine morte potest.*

De S. Agatha Virg. & Mart.

*Impie nequicquam invictam torquere puellam
 Desine, cur mortis iussa cruenta paras?
 Virginis obstitit ferro impenetrabile pectus;
 Nec violare potest impia flamma fidem.
 Quid mirum est? Agatham Christi succenderat ignis,
 Fortior & letbo. Cælitus turget amor.*

D. Agapito Martyri.

Quòd eo die Natalis dies Excellentissimi Principis Barberini occurreret.

Prænestinæ Civitatis votum.

*Olim dicta fui multis redimita coronis
 Montibus umbrosis, ilicibusque sacra.
 Post ornata tuo, felix Agapete, cruore
 Accessit nobis laurea nobilior.
 Ipsa coronatis apibus mibi mania fulgent,
 Et servit nostro Maxima Roma duci.
 Perge novas Puero nascenti augere coronas;
 Hunc Terris, Te astris edidit una dies.
 Sic Prænestino quæ dicor nomine, posthæc
 Antiquâ dicar voce Polystephanos.*

S. Do-

91

S. Dorotheæ Virg. & Mart.

*Dum geminas Christo jungit Virgo una Sorores ,
Seque illis addit , munera trina vides .
Aligerum Cæli mittit de vertice Christus ,
Trinaque dat sponsæ poma referta rosis .
Hoc si Cælesti donatur munere Virgo ,
Dorotheam donum quis neget esse Dei ?*

Mula tridui fame confecta , relicto pabu-
lo Sacram Eucharistiam à D. Anto-
nio Patavino ostensam
veneratur .

*Ut sacra divini venerantes fercula Panis
Deridere queat Transfuga sacrilegus ;
Tertia lux demat solita , inquit , pabula mule ,
Alterutram ut possit mula probare dapem .
Perfide : quid valeant nescis jejunia : si vis
Cernere Mula Deum nesciat , adde cibum .*

De S. Philippo Nerio .

Hoc Epigramma se obedientiæ ergò fe-
cisse subscriptione eadem signi-
ficavit .

Alluditur ad Nomen Nerius .

*Delicias Nerius divini ut sensit Amoris
In se de Cæli fontibus influere ;
Jam satis est , inquit , vestros rogo claudite fontes ,
O Superi , angustos obruit unda fons .*
Ipse.

*Ipsē ego, mutato siam si nomine Nereus,
 Non capit Oceanum hunc pectoris urna mei.
 Risit divus Amor, fractis dum pectore costis
 Laxat, & in tales explicat ora sonos.
 Parva satis, nimiumque licet sit pectoris urna,
 Hac tamen ex urna flumina mille fluent.*

De ejusdem

Effigie in Palatio Vaticano.

*Quis Nerium hic statuit? cur quondam Vallis amator
 Nunc Vaticanos incolit iste Lares?
 Si tumida vivens longe ille recessit ab Aula
 Virtutes referet mortuus in speculum.*

De Novo

**Sacello eidem extra Urbem posito, in Vi-
 nea Illust. Julii Donati: alluditur ad
 ejusdem Sacellum in Vallicella
 ab eodem viro erectum.**

*Super illud: Ego flos Campi, & liliū
 convallium.*

Distichon.

*Colligit in Valle Urbana mea lilia Civis;
 Hic florem Campi demetit Agricola.*

* *
 *

De

De particula

Offis S. Ignatii Episcopi Antiocheni in panem conversi; secundum ejusdem dictum in epist. sua ad Rom.

Frumentum Christi sum.

*Pars Offis fuerat, sacri nunc, aspice, Panis
Perspicuo gemmæ conditur in gremio.
Dente Leo has Christi fruges contrivit, eisdem
Igneus imbutus sanguine coxit Amor.
Ambigis? Hunc iterum vivos concreescere in artus
Aspiciens, dices: hic modò panis erit ..*

Pœnitentiæ fructus.

Distichon.

*Quam vivit moritur; vita est in morte resurgit
Mortem morte necans. Hoc pietatis opus.*

In festo SS. Apostolorum Petri,
& Pauli.

*Ite per asprigeros Cali duo lumina campos
Sacro decora sanguine.
Felices animæ Vestra en Urbs alma quotannis
Colit sacrata pignora.
Una dies peperit geminos tibi Roma Parentes
Duplici beata funere.*

De

De D. Pauli martyrio.

*Ecce scatent gelidae subito de saltibus undae,
 Dum tibi Raule manus detrahit ense caput.
 Quas decet (ò homines) lacrymas, quos fundere fletus,
 Arida si lacrymis terra carere nequit?*

De Imagine S. Ludovici Gallorum
Regis.

*Hic, in spiranti quem expressit imagine Pictor,
 Quantum Regali fiendit ab ore iubar!
 Si fulget nitidis distincta coloribus umbra,
 Cum superat Solem, quis Ludovicus erit?*

S. Zoæ Martyri.

*Quæ D. Sebastiano in carcere detento cum Mar-
 co, & Marcelliano fratribus verba faciente,
 ad Christum conversa est.*

Ad Græcum nomen alluditur.

*Fœmina, quam Graij compellant nomine Vitam
 Aeternum vita nomen, & omnen habet.
 Vitæ mors vivit, mirum vita interit una
 Mors vitam peperit, sed parit illa necem.
 En jam mortiferis pendeant sentibus uvæ,
 Et duræ quercus roscida mella dabunt.*



De S. Agapito Prænestino Mart.

Tormenta recensentur plurima, per quæ
coronatur.

*Tergemino sacrum cingit diademate frontem
Gemmâ triplex, Christus quam dedit Agapito.
Virga, fames, nervi, fumus, lapis, ignis, & ardens:
Unda, fera, & gladius quàm bene juncta nitent!
Jam totidem fulget palmis decorata novenis
Angelicis virtus una ferenda Choris.*

Sanctis Martyribus
Processo, & Martiniano.

Qui ad fidem conversi, per Beatos Apostolos Petrum, & Paulum, aquâ divinitus è rupe manante, abluuntur in Carcere Mamertino.

*Clauditur in tenebris hominum Piscator, at inde
Bina quaterdenos retia missa trahunt.
Unda deest, Petri Virgâ Tarpeja rupes
Percussa è petris larga fluentia dedit.
Clavigerum Celi Armigeri de carcere mittunt;
Hic illis clausas pandit ad astra fores.*

De Cerva S. Ægydii,

Cujus lacte ipse diu pastus est.

*Ut catulos pascant aliæ se dentibus armant,
Et rapiunt escas unguibus ore fera.
Ut tibi præsidium latrantum à vulnere possis
Ægydium, catulos desere Cerva tuos.*

Re-

Religiosus

Deo votis consecratus.

*Rex, miles, dives; transcendō, vinco, relinquo;
Sidera, corda, aurum; lege, pudore, fugā.*

Divini Verbi vis.

*Gutta cadens lapidem repetito frangere fluxu:
Atque animi morbos verba sacra valent.*

SS. Abdon, & Sennen

—Persæ à feris illæsi, trucidantur à
gladiatoribus.

*Quos nec dente Leo, nec Sarmata læserat Ursus,
Romano licetor perfidus ense ferit.
Si potuit Roma humanos dediscere mores,
Mirer barbaricos dedidicisse feras?*

De SS. Mart. Papia, & Mauro:

Quorum corpora in Ecclesia D. Mariæ ad Val-
licellam sunt recondita.

*Quid sacra Martyribus saxo contunditis ora?
Ne laudes possint Christe referre tuas.
Frustra urget saxis severissimus ora Tyrannus,
Ora etenim nequeunt muta tacere Deo.
Falleris? Heroum labiis namque iētibz infers
Vulnēra quot, totidem sanguinis ora facis.*

S. Va-

S. Valerianus Episcopus.

Genèrici Regis jussu omnium domo exclusus, in
publica via diutissimè pernoctat.

*Omnibus exclusus tectis, exclusus & agris
Cogeris in mediâ membra locare via.
In terris ne quare domum Celi incolâ, postea
Te manet in patrio dignior axe locus
Sperne Corinthiaco rutilantes marmore sedes;
Hec te, quam calcas, semita ad astra feret.*

Amor, & Dolor

In rebus spiritualibus.


Distichon.

*Pungit Amor, pungitque dolor, sed distat uterque.
Appetit hic vitam dum ferit; ille necem.*

Ad B. Joachimum

B. Virginis Patrem.

*Tristis abis, repulit postquam tua dona sacerdos;
Expertem sobolis dum putat esse senem.
Siste senex lacrymas, quo non felicior alter;
Tu pater intactæ Virginitatis eris.*



De S. Maria Magdalena ;
Ad Christi Domini Sepulchrum
plorante .

*Magdalis adstabat vidui prope saxa sepulchri
Mærens , & vivis ora rigabat aquis .
Hic dolet amissum cordis Dominumque , Deumque ,
Et vix præsentem aspicit Aligeros .
Ast ubi mæsta diu pressit sub pectore voces ,
Hos tandem attonito protulit ore sonos ,
Vos ô dura meo mollescite Marmora fletu .
Quando ego sum penè facta dolore lapis .
Dicite (nam pietas vos dudum rupit) amanti ,
Quis tulerit Domini pignora cara mei ?
Hunc ego , seu languet milleno vulnere sæctus ,
Inter seu pendet tela , crucesque feram .
Exanimem seu terra tegit , seu vivit in astris ,
Hunc ego sub terras , hunc ego in astra sequar .*

S. Flaviæ V. & M. Siculæ pudor à Deo

servatur illæsus ,

*Virgineas quæ condit aquas Aretusa , nec illis
Immiscet lymphas Donis amara suas ;
Flavia , Sicaniæ Virgo laus ipse regni ,
Innocuas Venerem sensit habere faces .
Namque ubi casta proci nugarunt pectora pallâ ,
Fortior armavit pectora nuda Pudor .
Atque hic sacrilega obdurescere brachia sensit ,
Ille sibi audaces diriguisse manus :
Aliis insolitam mixantur lumina noctem ,
Hic sibi marmoreos credidit esse pedes .
Virgo inter Veneris flammæ servatur , amarus
Fons inter fluctus . Auctor utriusque Deus .*

Para-

Paraphrasis in Psalmum xxxiiij.⁹⁹

O D E.

*Laudabo Dominum velox dum labitur ætas ;
Deumque voce laudis assidue canam .
Laus mentis quàm vera mea Deus ! auribus iste
Quicunque mitis bauriat letantibus .
Sollicitus Dominum quæsiui , & vota precantis
Audivit , & me eripuit innumeris malis .
Adveniente Deo tenebraeque , umbræque recedunt ;
Et ora vestra nullus invadit rubor .
Audiit omnipotens humilis vocem : omnibus illum
Eduxit ante queis premebatur malis .
Vindex æthereis veniens è sedibus agmen
Aderit , piorum servet ut timidum gregem .
Experti dicent , Domini quam vera voluptas !
O ter beatus , una cujus spes Deus .*

Anagramma

*Sanctus Raimundus ;
Sidus carum Nautis .*





M A R T H Æ
M A R C H I N Æ
C A R M I N U M,
P A R S A L T E R A.

Scripsit hanc epist. Em. D. Cardinalis Spada ad P. Virgilium Spadam germanum fratrem Cong. Oratorij Presbyterum ; cujus occasione (ut in Poëtriæ vita diffusius exponimus) ipsa ab eodem Virgilio eidem epistolæ respondere iussa , id præstitit ; vt post hanc patebit, quàm præmittendam censuimus , ut inde sumptam occasionem agnoscas.

Eminentissimi D. Cardinalis

BERNARDINI SPADÆ.

Ad P. Virgilium Spadam epistola .

Non ita malè nobiscum agit pestis , ut fama traduxit : nec eæ sunt vigiliæ nostræ , aut labores , ut aliorum mereantur

E 3

com.

commendationem, tuam verò ipsius sollicitudinem. In eadem Viola ex qua Ioannes Baptista Grimaldus, vir nostri amatissimus, tam seria de nobis scripsit, nos hodie hæc ludicra reposuimus, quæ subiecto Epigrammati consignamus; ut inde argumentum amicis, & tibi concinnes nostri vel otij, vel certè festivioris negocij. Hanc ipsam animi notam quantum ad res meas attinet, & illis, & tibi studiosè commendo. Vale.

De Peste Bononiensi

Lusus

*Est celebris Pesto Lucania, Felsina peste;
Postanisque rosis illa; sed ista malis.
Cedat Feltineis, Lucani, cedite, campis:
Nam nequeunt flores fructibus esse pares.*

MARTHÆ MARCHINÆ
ADEMIN. CARD. SPADAM
PRO P. VIRGILIO SPADA

Responsum.

QUod non ita crudeliter sævit pestis, ut ad nos fama detulerat, & lætor ut deo, & omnem propemodum abijcio sollicitudinem. Eòque magis, quòd animi tui vir-
tu-

tutem, & prudentiam aspicio, qui gravissima inter negocia nactus ocium, serijs ludicra miscere noveris, & vel maxima incommoda ingenij, ac litterarum festivitate condire. Tantùm vereor ne mala ista non satis æquivocè, sed solùm in deteriorem partem accipiantur (quod è metro syllabæ in epigrammate conijcitur) & hac de causa. Pællanis rosas Pestis mala sint deteriora: Quidquid sit de malis, mihi certè; amicisque omnibus tum Rosæ, tum etiam Poma tuis litteris consignata gratissima fuerunt; atque ut lætiora in posterum audiamus, à Deo summis precibus contendimus. Vale.

Lucania

Suas Rosas tuetur.

*Si quis Lucanos æquabit munere flores,
Præstantesque rosas, aurea mala dabit.
Non vestros nostris dignamur floribus hortos:
Non mala hæc Pestis, sed mala semper habet.
Cedite, Felsinæi, Lucanis cedite campis;
Nam nequeunt fructus floribus esse paræ.*

Lettera dell' Eminentiss. Sig. Card. Spada
da al P. Virgilio Spada.

Io son rimasto tanto sodisfatto, &c. vide superius inter testimonia, & commendationes authoris.

Eminentissimi Card. Spadæ ad Martham
Marchiniam.

Epistola.

ET piam, & eruditam expertus, novissimè te officiosam agnosco: id sanè jucundius, quò necessarium minus; cùm enim meâ (qualiscunque fuerit) in te declaratione tuas virtutes vnicè contemplatus essem, ea, undem perenni expressione, qua nobis per singulos tabellarios occurristi, absolutum etiam grati animi specimen exhibuisti. Nunc ip[s]am, si sapias, animi vim toto robore intende, & converte ad Deum, bonorum omnium auctorem: ex quo scilicet habes, raro sæculorum exemplo, ut pro lana librum, pro fuso calamum, stylum pro acut tractare noveris: quod olim de Cassandra Fideli muliere Veneta mirabundus dixit Politianus. Adde quòd sine præceptore, hoc est Deo præceptore, didiceris, id quod inter mulieres vni Constantiæ, Alexandri Sfortiæ Vxori tributum alibi observavimus. Ceterum de nobis existimes, nunquam te melius, aut cumulatius merituram, quàm ubi animadvertemus te tibi similem, tuisque in Domino cæptis obnixè, atque constanter insistentem. Denique fac, quod facis, & vale. Dat. Bononiæ die 2. Octob. 1630.

Mus

Mus quidam Commentaria Cæsaris corroserat : in cuius rei gratiam Eminentissimus Card. Spada composuit Epigramma : quod etiam observationibus decoravit . Sed non defuere varia in idem argumentum epigrammata, quæ subijcientur , vel ipsius quoque Poëtis , vel aliorum : quæ sunt .

Commentaria
Cæsaris à mure corrosa: Eminentissimi
Card. Spadæ

Epig.

*Gallica Cæsarei rodit monumenta laboris;
Ingentemque vorat musculus Historiam.
Nunquid ut erudiat Romanâ Pallade pectus?
Doctior & Ramis bella secunda paret?
Fortè tuos lacerat pristis de more triumphos,
Cæsar , & argutis moribus obloquitur?
Vel tua cum fuerint Bruto succumbere fata,
Te decet à bruto post tua fata premi.*

In quell'epigramma del force, quei vorat, stà à proporre con quel Pectus . Monumenta laboris, che significa historia di guerre, tien da canto Romana Pallade , che è la disciplina mihtare de' Romani studiata dal Sorce nei commentarij . Erudiat , corrisponde à

E 5

Histo-

Historia; e dell'istesso passo v'è il *Doctior*. Nel terzo distico il *lacerat* è equivoco; *argutis*, equivoco, che rispetto dell'uso de triōn vuol dir arguto, e rispetto al dente, ò morso de' Sorci vuol dir sottile. *Morsibus*, parimente è equivoco, cioè litterale, & allegorico, come sopra; e tutti tre i sopradetti equivoci servono à vn sol concetto. Così fatti artifici, dunque son vn pan fresco à parlar chiaro, e parlandosi chiaro se ne perderebbe la maggior parte.

Miror tamen quòd prætermissa observatio in epigrammatis conclusione, dum sub nomine Bruti Romani Civis, brutum subauditur anin.al, à quo Cæsaris commentaria corrosa fuisse colluditur. Sed aliorum sequuntur epigrammata in idē argumentum.

Anonymi

In idem argumentum.

Quæ non tangit edax prædulcia carmina tempus;
Improbis audacter musculus ore vorat.
Vis sua quemque trahit naturæ: nausent illud,
Esurit hic eadem, quæ redolent oleum.

Alexander Pollinius.

In idem . Ode .

Quòd nulle libros inter, hunc immaniùs.
Vastasse mures aspicias,

Quo

*Quo belia Cæsar inchyta , & victorias
 Hac , qua peregit fortiter
 Dextra, exaravit doctè ; id impudentiâ,
 Casuve factum ne puta :
 Nam dum coronâ cingit , ac sedet diâ
 Castella circum , aut mœnia,
 Edendi amore adegit , ac penuriâ
 Dolo vñdecunq̃ue , & machinis
 Perichitantes aggredi , & consumere
 Excepta murium agmina:
 Ex illo iniustum dedecus , & injuriam
 Transmissam ad vsque posteros
 Authoris haud oblita fortis natio
 Reponit , atq̃ue vlciscitur.*

Cæsar

Ad authorem Epigrammatis in Commen-
 taria ejusdem à mure corrosa.

MARTHÆ MARCHINIÆ

Epig.

*Quisquis Appollineo celebras mea funera plectro,
 Aurea cui Lyrici carminis vnda fluit.
 Me licet exitio Brutus premat vsque supremo,
 Dirus & infesto musculus ore petat ;
 Dum mea fata canis gemino infelicia Bruto,
 Utraq̃ue jam Bruti damna timere velas.*

Aliud Anonymi.

*Plus timeo Muris dentes , quam vubnera Bruti
 Hic vitam , famam ledit at ille meam.*

Muris interitus

Ejusdem.

*Purpureo quondam celebratus Apolline Brutus,
 Quem Gallus timuit, Casarensque labor;
 Dum gaudet nimio infelix dignatus honore,
 Et Phæbi ductu querit ad astra viam:
 Sublimem è medio volucris tulit improba murem.
 Unguibus, & raptum misit in Eridanum.
 Sic cecidit Phaeton, sic te Phætona secutum
 Excipit immitis, muscule, lympba Padi.
 Non te sed volucrem celebrabit carmine Phæbus,
 Quæ vetita est docti vatis adire lares.
 Posthac infestas, mures, sic credite Ranas;
 Felsinea, his pejùs, vos quoque perdit avis.*

**Verùm quia Poëtrię misit Eminentissimus
 Cardinalis Spada epig. quo exprimitur:
 vbi rebellis cujusdam domus diruta
 fuit, locum Deo deinde dicatum fuisse;
 hîc quoque locandum censuimus, habet
 enim in se lepores, salesque dignos Mu-
 rice, ac Purpura.**

**Hujus Rebellis Domo diruta
 Locus Deo dicatus**

EMIN. CARD. SPADÆ

Epig.

*Hîc eversa domus vtiuam surgit in ædem:
 Discrimen Patriæ prima, secunda salus.*

Reli-

*Religione locum duplici venerare Viatos;
Cui scelus, & Pietas præstitit esse sacrum.*

In rebus mundanis

*Nil mundo ipso mortalius
Ein. Card. Spadæ.*

*Quas Urbes, populos, gentes, & regna subegit
Excepit vasto maxima Roma sinu.
Propterea totum cùm Roma subegerit orbem,
Dicere non dubites: Orbis in Urbe fuit.
Nunc Orbem nec in Urbe petas, nec in Orbe Quirinum;
Et vix invenias Urbis in Urbe notam.
Fama tamen superest magnis immixta ruinis:
Cum ruit Orbis, erunt fama, ruina, nihil.*

In rebus humanis

*Nil Romana Religione firmitus
Marthæ Marchinæ responsum.*

*Imperium Oceano, famam quo duxit Olympo,
Quæ populos domuit, bellicososque Duces;
Tartarei (miserum) facta est cum subdita Regni,
Error tunc Orbis totus in Urbe fuit.
At nunc imperio terras & sidera vertit,
Nunc gentes, Urbes, effera regna premit.
Scilicet in lucrum redeunt dispendia. Roma
Dum ruit Imperium grata ruina tuis.*

* *
*

Ad

M. Marchinæ Epistola:

Ite humiles elegi, gratæ nova munera mentis,
 Nomine adhuc nulli carmina missa meo.
 Quique diu taciti ignota jacuistis in umbra
 Pergite, qua notum Felsina monstrat iter.
 Si quis erit, qui vos fessos, timidosque rogarit,
 Quæ potuit tanta causa fuisse moræ;
 Dicite, ne immeritos incusa, Maxime Princeps,
 Officij inmemores neve fuisse puta.
 Claudos namque pedes alternis versibus ipsum
 Ingenium auctoris vel via longa dedit.
 Attulimus lectam longinqua ex Urbe salutem:
 Hæc tibi Romulea venit Ab Urbe salus.
 Felices annos vivas tibi Roma precatur,
 Lætus ut ad Cæli sidera tardus eas.
 Et nos optamus videas ut Nestoris ævum,
 Parsque sumus populi parva precantis idem.
 Namque Heliconiadum fida es tutela sororum
 Ipse Aganippæi gloria summa Chori.
 Te Duce Musarumque cohors, vatumque caterva
 Profert ingenio carmina digna tuo.
 O utinam reddant priscos nova secula Vates,
 Optatum videant lumina nostra diem.
 Te canet Aonidum Princeps, atque author Homerus.
 Te nobis melius Lesbia plestra canent.
 Te quoque Virgilius celebrabit carmine, teque
 Jam Mæcenati præferet ille suo.
 Ore tuas laudes resonabit Horatius ingens,
 Et referet Lyricos, te se superante, modos.
 Nos quoque perpetuum tenui modulamine carmen
 Reddemus meritis munera parva tuis.

* *
 *

In

In Fratrem suum

Epig.

*Esse videris homo rigidus , nimiumque severus ,
 Dum Germane tibi carmina nulla placent .
 Despit hoc , inquis , dura isthæc , illa redundant ,
 Hoc jacet , ista tument , hoc biat , illa cadunt :
 Innumeræque notas in nostro carmine mendas
 Atqui ego non bona , tu carmina nulla facis .*

Vide quid observavit Emin. Card. Spada
 pro hujus superaffluentia excusatio-
 ne in epistola Etrusca , superius
 inter testimonia locatâ .

Anonymi

Cujusdam ad Martham Marchinam in
 laudem eprigrammatis de D. Paulo.

*Pocula dum lactis sitienti porrigis hosti ,
 Prostratum cecinit femina casta Ducem .
 Tu quoque dum celebras lactenti carmine Paulum ,
 Cui dederunt lactis flumina ad astra viam .
 Multum lactis habes , atque oris divite fonte
 Uberiore sinu flumina lactis egent .
 Illo lacte satur cecidit Dux impius : hoc tu
 Vivere perpetuum carmina lacte doces .*

De

De epigrammatis

Distich.

*Scribere de rebus magnis epigrammata ludus
Non est . Quid possit serius esse joco ?*

Adolescens

Libros à se combustos describens ingenium acuit .

*Exosus juvenis Musarum tadia , vires
Desperare hebetes coeperat ingenij.
Et tandem, ò miseri, semper mea damna, libelli!
Ite , ait , & vestris me exonerate malis .
Nec mora ; dat rapidis, invisa volucina flammis :
Exiguusque cinis mox elementa tegit .
Ast ubi nequicquam dispendia sentit , inertes
Ad damnata jubet bella redire manus
Et calamo plectit quidquid peccaverat igni,
Sed quæ descripsit sedulus edidicit .
Parcite , quid juvenes tot libros queritis ? iste
Quæsito fieri doctior igne potest .*

Votum

Florentiæ Urbis .

Pro

Felici partu Seren. Domine .

*Siste undas precor Arne tuas , nam vota precesque
Garrulus ad superos non sinis ire meas ,
Sit*

*Sit felix Dominae partus , multosque per annos
 Incolumi vivat cum Genitrice Puer
 Matris deliciae , Patris Dacus , inclita Thyſci
 Spes populi , Patriae ſidus , & Orbis amor .
 Fallor ? an incepit curſum cōhibere ſonantem
 Lentus & antonitâ ſiſtitur Annis aquâ ?
 Ne credas pigro concretam frigore lympham ,
 Sed populi juſtas audit , & illa preces .*

Ad Eminentiffimum Card. Spadam

Bononię Legatum .

*Urbs te Roma cupit , votis huic Feſſina certat
 Te rogat illa , mane : ſed rogat iſta : redi.
 Quod reliquis natura negat , tibi contigit uni ,
 Namque unus geminâ vivis in urbe Pater .*

Ad eundem.

Aliud.

*Hinc Vrbs Feſſinea , & contra inde Urbs alma Quirini
 Certatim geminant pro duce vota ſuo .
 Æther ubi aſpexit litem banc , vos cedite , dixit .
 Tardè litis ego tertius aëtor ero .*

De obitu

Pauli Spadæ Viri Clariffimi .

*Felix prole ſenex , verax , ditiffimus , æquus
 Paulûs obit , verùm hoc quis putet eſſe mori .*
 De

De Eodem

*Jam meritis, annisq̃ue gravem, caloque vocatur
 Te nequit angusto claudere terra sinu.
 Ergo quære inter cœlestia Numina sedem,
 Quæ virtus. latus ad Sidera pandit iter.
 I felix genitor, clarâq̃ue in prole superstes,
 Lucipe perpetuum vivere Paule diem.*

Ad Victoriâ Rondiniam Virginem
 Eruditione, ac pietate conspicuam.

*Vincere si lyricum certasses carmine Flaccus
 Pindaricâ poteras æmula Virgo lyrâ.
 Vel si prisca tuos audisset Lesbia cantus
 Cœpisset casto doctius ore loqui.
 Quin chorus Aligerum, te olim modulante, puella,
 Dicitur alternis concinuisse modis.
 Sed superum rector, vos cœli numina, dixit
 Cedite, namq̃ue mihi dulcius ista canit.*

Ad Urbem Bononiensem

pro reditu

Eminentissimi Card. Ber. Spadæ Legati.

*Ecquis erit finis? Non quartæ ad frigora brumæ
 Est satis emeritum detinuisse Patrem?
 Sit modus ærumnis: longa trieteride functum
 Excipiat reducem candida Roma ducem.*

Sic

*Sic parvus te Rhenus amas , sic pendula Turris
Æternis decoret Felsina temporibus ,*

In Antonium Querengum.

301 Epig.

*Desine dulciloquas Ales profundere voces
Cygne : tibi fatus quid moriture canis ?
Ea melior Querengus olor ; divinus Apollo
Vivere perpetuum carmina voce jubet ,
Hic canat : Occiduis at tu jam parce querelis ,
Dum canis ipse peris , dum canit iste viget .*

In Pictores ex Græco ,

*Menodoti effigiem pinxit Diqdorus ; at illa
Menodoto excepto , cuilibet est similis .*

In eosdem Pictores .

Tetraftichon.

*Pingit cum Phæto te Menæcrate Deucalionem ,
Et uno sit picto discepto uterque , rogas .
Muneris ut quæ cantus suis donabimus : esset
Ille quidem flammis , isteque dignus aquis .*

De Milite Astrologo .

*Miles , & Astrologus , qui nunquam prælia vidit ;
Sidera sed forsân , cùm sine nube forent ;
Omnia prædicit , quæ sunt ventura , sed astra
Decipiunt vatem non benè visa suum .*

Hic,

*Hic, inquit, vivet felix : huic auferet omnem
 Parca diem : at contra, vivit hic, ille perit,
 Non verum hoc fuerit, quod Phœbi oracula dicunt,
 Id verum est noster, quod negat Astrologus.*

In Indoctum Poëtam.

*Quid tibi cum nostra est, vates indocte, Minerva?
 Hic te nullus bonor, præmia nulla manent.
 Cernis, ut immergis turpatur pagina mendis,
 Vulneribusque tuis, carmina læsa dolent?
 Redde igitur Musis calamos, fessosque libellos:
 Non sunt hæc dextrâ munera digna tuâ.*

In Theodorum Gazam Hæresiarcham,

D. Hieronymi irrisorem.

*Ansonia occidua fines dum Dalmata lustrat,
 Et sacra Bethlemici despicit antra soli:
 Numinis ad vocem tandem vestigia pressit,
 Et bene damnavit, quod malè cepit iter.
 Tu tamen irridens, meritò nec plectitur, inquis;
 Romani eloquij nec fuit iste reus.
 Sed nomen Theodore tuum dum reddo Latine.
 Dic mihi pro Gaza num bene pica sonat?*

In Mulierem gloriosam.

*Improbam sum fateor, dicis bona femina; verùm
 Extollis laudes semper ad astra tuas.
 Omnibus baud, inquis, cesso sacra obire diebus,
 Innumerasque pia fundere voce preces.
 Non auri tetigit me unquam, vesana cupido,
 Non gula me, seminus, segnitiefve premit.*
 Ridet-

*Ridicula , & stulta es dum tot pugnantia pergis
Fingere , nam quis te sanctior esse potest?
Desine jam nobis isthæc tua facta referre .
Vt verè dicas : Improba sum fateor .*

In loquacem .

Distichon .

*Nil , inquis , dico . at non cessas fundere verba ,
Vt vel sic taceas , obsecro dic aliquid .*

In quendam

Distichon ?

*Quid facis? atque Abeo properans mihi dicis utrumq;
Quæ responsa feram ? nil facio , atque Abeas .*

In eundem

Aliud

*Semper festinas , ut si lux ultima adesset :
Hæc puto causa est , cur disticha sola probas .*

De nova Capuccinorum Æde .

Ad Eminentissimum Card. S. Onufrij Vr-
bani VIII. Pontificis germanum
Fratrem.

*Hic ubi sacra novis resonat concentibus Echo ;
Nocturnas fundit cùm pia turba preces .*
An?

*Antoni, monumenta tuæ non ultima laudis
 Servat in aprico candida colle Domus,
 Stirps humilis magni Patris pro talibus optat
 Reddere quicquid opum claudit in arce Deus.*

De Incendio Montis Vesuvij.

O D E.

*Quis terra subitus fragor?
 Num fractis penitus carceribus ruit
 Ignis Tænarij furor?
 Urbes, heu miseras, Vesotus obruit
 Flammas exitialibus.
 Heu nigro volitans turbine contegit
 Altam Paribenopen cinis:
 Ereptumque sibi frondiferum decus,
 Ardens terra parens gemit.
 Horrendo resonant cui freta murmure:
 O Divum, atque hominum Pater!
 Qui mundum triplici crimine sordidum
 Terres fulminea face:
 En quos unda tui sanguinis abluit,
 Crudelis Phlegeton rapit!
 O summo veniens vertice spiritus,
 Castis roscidus imbribus,
 Terras letiferis ignibus eripe.*

Ad Gregorium Spadam.

O D E.

*Gregori Musarum amor, & canori
 Prima spes collis, nitide sorores*

Hæc

*Hanc tibi Phœbusque Pater salutem
 Mittit ab Hæmo.
 Cernis, ut nostri fileet unda fontis,
 Ducit & nullas Helicon choreas?
 Ipse divinum cytharâ decorem
 Spernit Apollo?
 Sive equos acres domitor superbus
 Flectis, aut Martis fera bella fingis
 Ludicris armis, querulus canentium
 Te Chorus ambit.
 Dum sedet vultu radians juventa
 Servat & Sponsam thalamus Camillam;
 Dic Avi laudes; Patruique fascis
 Carmine signa.*

De Vacuo.

Epig. Hexametr.

*Omnia sunt plena impliciti dixere sophistæ,
 Nec dabitur vacuum, namque id natura repellit.
 Si dabitur vacuum motus jam non erit ullus,
 Sed Chaos antiquas repetens immobile formas.
 Si in vacuo fiat motus, mirabile visu est,
 In puncto lapidem manes descendere ad imos.
 Sed pater omnipotens animum non spernit inane
 Et mentem vacuum divino munere complet.*

In reditu Romam

Eminentissimi Card. Spadæ à Bononiensi
 Legatione.

*Oceani tandem fluctus Aurora relinquet;
 Lentus ab Eo cur venit orbe dies?*

Num

*Num piger expectas , dum te vehat inde . Iootes ,
 Quem vetat Æquoreas tangere Doris aquas .
 An populos celas tenebris nova gaudia , Romam
 Cùm subit Ausonie gloria summa Togæ ?
 Nec tua jam sentis hebetari lumina , postquam
 Felsine a maius venit ab Vrbe iubar .
 Bernardinus adest : roseas huic sierne quadrigas :
 Te sine Romula pallet in Vrbe dies .*

Tumulus

Magdalenæ Marchinæ Sororis.

*Magdalis hoc tumulo tegitur, Virtutis imago,
 Addita cui nondum septima messis erat.
 At vix aspectam eripuit Parca impia lucem ;
 Ætatem , & laudes , dum putat esse pares .*

Ad Columbam Pontificiam.

Votum pro P. Virgilio

Alladitur ad Stemma

P. M. INNOCENTII X.

O D E.

*Intacta volucris candidior nive,
 Sic te Principibus semper amabilem
 Felix cum Domino Roma tuo colat ;
 Sic cum pacifera frondis honoribus
 Phœnicis videas secula : sic novum*

Sicut

*Sidus fera petas æthereas domos;
 Hos ore innocuo litterulas legas,
 Non insueta rogo, te potuit sibi
 Facundam lyricus fingere Anacreon:
 Non sat Virgilium vidimus exulem,
 Instarent Patriæ cum fera prælia,
 Ni raptum toties ingemimus Patrem:
 En turbe in media, vel profugus latet,
 Vel vestem variat, vel timidus fugit,
 Sive has insidias Pax iterum parat,
 Seu magni nimiam Patris amor nocet:
 Sed te multa loqui cum prohibet metus
 Unum si recites versiculum sat est,
 Cum latum aspicias sedula Principem:
 O tandem redeat Virgilius precor.*

Videtur Pontificem orare, ut remittat ad
 Congregationem Oratori P. Virg. Spa-
 dam, penè exulantem in Aula, quæ ve-
 ré exilium animæ ad spiritualia maxime
 anhelantis.

Seren. Principi Parmæ, ac Placentiæ Duci

Anonyma

Virgo Parmensis Româ fugiens. Eleg.

*Perge igitur; quid mæsta times, iterumque recedis,
 Ad Dominum propera territa virgo tuum.
 Lernæas domuisse feras cui gloria nunquam
 Alcide metuit capta Columba manus.
 Undique concussis quamvis Mars obstrepat armis,
 Audiet has nostras forsitan ille preces.*

F

Tu

Tu Christi innumeros veseres ex hoste triumphos;
 Barbaricum tollat cum tua dextra jugum.
 Victus ab Eois discedet Sarmata terris,
 Et Solyma fugiens arva relinquet Arabs.
 Ergo quid iste novus belli, Dux magne, tumultus
 Infrenit, aut in nos quis furor arma ciet?
 Abditur in latebris Virgo, effugiumque pudori
 Dum querit vivens, ipsa sepulchra subit.
 Nec mortem metuit, sit velsævisissima. Demas
 Damna pudicitie, mors quoque munus erit.
 Nam tecum incedit (vix credam) barbarus hostis,
 Et victor furit, heu, transfuga sacrilegus.
 Ab pereant Christi quicumque extinguere nomen
 Optant: sæva ferant in caput arma suum.
 Magna animi ingenui vindicta est parcere: vince
 Iram, sic major te quoque victor eris.
 Multa animus voluit, sed me nunc maxime Princeps
 Plura loqui prohibens comprimit ora metus.
 Vive diu felix, populumque tuere, Patremque:
 Ne cives metuat maxima Roma suos.

Ad Em. Card. Spadam ægrotantem.

O D E

At quæ magnanimum segnities ligat?
 Nolentem placida compede cur tenet
 Mollis pluma virum? ô deliciae graves
 Præsentem animos languor iners fugit,
 Imbellesque fugat. Sors timidos premit,
 Audentesque juvat. Nescia cedere
 Virtus præteritis vna laboribus
 Defessum stimulis excitat arduis.
 Si latum aspicias pagina Principem
 Accede, atque ibi nil metuas mali.
 Si mæstum, solitas in tenebras fuge
 Vulcani tremulo debita lumini.

De

De Obitu

P. Francisci Bozij die ipso Resurrectionis.

Distichon.

*Dum redit ad vitam Christus de morte triumphans:
Dormio, non morior: quid mihi cum lacrymis?*

In funere

Illustriss. Francisci Spadæ Ferrariensium
militum Præfecti.

O D E.

*Languet magnanimi Martia vis Ducis
Letbo pressa gravi. Quis lacrymis modus;
Aut finis fuerit? luctifonam move
Cantus Melpomene ad Cœlyn.
Ergo nec ducibus Parca potentibus
Parcens vana tumet nomine non suo?
Heu duram Lachrym! cur toties replet
Charam funeribus domum?
Te vel tergemina cuspide terreat
Ensis conspicuo in stemmate fulgurans,
Ne vitæ immeritæ non revocabili
Rumpas pollice stamina.
Velox vita fugis cursu Atalantico
Mors tardis pretium est; Hippomenes Nect
Huic certet pede, vel dona volubilis
Auri spargat humi, perit.
Virtus funeribus sola superstites
Reddit, sola animos ad superos vebit;
Et quos innumeris sæpè periculis*

*Mors invita rapit ; beat .
 Jam nostri nimium sanguinis ebibit
 Tellus Ausonijs exitium timens
 Regnis , Tybris aquis sollicitus suis
 Infidum refugit mare .
 Immo si triplici fadere amabilem
 Nexum fata queunt solvere , jam satis
 Sit damni : reliquum Roma tibi , precor ,
 Serves in Geminis jubar ,*

Ad Emin. Card. Spadam

*Gratulatio , & Augurium
 De inauguratione ad Cardinalatum .*

Epigr.

*Munera dant alii , dum nos cum paupere turba
 In tales pro te solvimus ora preces .
 Si tibi purpureum imponet gravis Aula galerum ,
 Ut stomachum foveat non caput ille tuum .
 Ut sapiens olim Nervius per ludicra dicta
 Effugias cauto splendida vincla gradu .
 Sic inter superos Mitras , triplicesque coronas
 Ante tuos videam lata jacere pedes .*

In Cinnamum Circulatorem.

*Cinnamome sollicitus stomachi medicamina vendis
 Cur ? vacuum sentis esse tibi stomachum .*



In

In funere

Illustris. Lucretiæ Bevilaquæ Scotæ.

Distichon.

*Sidereos jam tuta potes transcendere lucos
Retia sunt supera quando soluta manu.*

De eadem.

Aliud.

*Jam valeat lethale Chaos, gemat improba Clobo
Quando nil majus te, unde triumphet, habet.*

De eadem

Aliud.

*Fundere non poteris cæco tua lumina mundo;
I felix inter sidera, sidus eris.*

Amara

Distichon.

*Si tibi dulce placet, toto cur respicis orbe
Me, quo dulce tibi dulcius ore sapit?*



Ad Em. Card. Spadam Bononię Legatum,

**Pro nova iterum ab eo subeunda triennali
Legatione Commune votum .**

*Felsina Legatum ternos te excepit in annos
Cum jam per longos vult retinere dies:
Ecce relegatum suspirat habere , solutum
Libertas fecit , nunc religare parat.
Sat Legate tuis religata est Felsina vinculis ,
Arma , luemque inter libera vincula tibi est .
Scilicet incolumis sibi sis cum reddita , reddi
Te sibi , nec te ultro reddere grata cupit .
Pena relegati venit etsi nomine , nulla
Sub libertatis nomine pena venit .*

Ad Sanctiss. Pont. Vrb. VIII.

**Pro reditu ad Vrbē Em. Card. Spadę prima
Legationis trieteride absolutā .**

*Aspice Felsineo Legati munere functum
Ecce triennali primus ab orbe dies.
Ne subeam quartum repetitis fascibus annum :
Namque senescenti dura securis erit .
Neue iterum lega : prima est legatio munus :
Sola Relegati nomine pena venit .*



AU-

127
AUGUSTINUS OREGIUS

S. R. E. Cardinalis.

Anagramma.

*Gregis Dei Custos eris in Ara
Vaticana Cælum scandes
Ovans.*

De libris Em. D. Augustini Oregij
De Deo Uno, & Trino.

*Candida Phæbeo nubes cum se obijcit igni,
Nostra queunt Solis lumina ferre jubar.
Sic quoque nunc felix Triplicem uno in lumine Solem
Roma sub Oregia cernere nube potest.
Talibus o utinam tegetur nubibus Orbis,
Vydique sidereo clavior axe foret.*

In Obitu

Pauli Spadæ Viri Clarissimi:

Ipse loquitur è Tumulo.

*Ne quis me extinctum credat? Natiq̃ue, Nepot̃sq̃ue
In luce hac servant me duo, terq̃ue decem.
Pallida mors cedat, clavo qui à funere vivit
Mortis pallorem Purpura sacra tegit.*

F 4

De

De S. Raymundo ?

*Sic radijs Raymunde , Orbem sic lumine lustras ;
Ut radijs mundus te radiante micet .*

Anagramma.

*Joannes Baptista Spadius
En pius ista bonis adaptas.*

*Joannes Baptista Spadius Lector
Ipse an sudasti plectro ista bona.*

Ad fictum Græcum .

Epig.

*Quam bene te Græcum simulas, dum nomine ficto
Barbara pro Græcis te dare verba canis .
At cum verba sonas Romanis fontibus hausta ;
Crede mihi, Græcum non bene te simulas .
Quisquis es, assumptum nomen depone Pelasgi :
Non latet Ausonio in carmine Græca fidei .*

Ejusdem responsio .

Epig.

*Dum fictum excipiunt lasæ pro numine donum
Trojugenæ , arma , ignes , telaque fundit equus ;
Hæc dederunt quondam fidei monumenta Pelasgi ,
Vt Danaum posthac sit propè nulla fides .*

Ne

*Ne Græcis igitur simulantem pellite ab oris :
Nam bene cum simulo, tum bene Græcis ero .*

De pijs affectibus

P. Pauli Aringhi Congr. Orat. Presbyteri.
Super aliquot Carmina ejusdem . P.

*Quæ canis humana superant modulamina vocis ?
Certant Pæne modis carmina Cælitum ,
Non Phæbus potuit , sed Cæli è sedibus ille,
Cujus nomen habes , hæc retulisse tibi .*

In Vetulam loquacem .

Distichon .

*Odi verbosos : ego servo silentia dicis ?
Tu ne filere potes ? ceu modò , non aliter ?*

In funere

P. Juvenalis Ancinæ Episcopi Salentinæ

Veneno ab Hæreticis interfecti , Pro-
lo: Matthæo ejusdem ger-
mano fratre loquente .

O D E :

*Splendidus Cæli properat ad aulam
Solis æterni radijs nitentem,
Rex ubi excelsus proprio coruscantis*

F. S.

Lid.

Lumine fulget .

*Me sine abscedis Juvenalis ? Heu cur
Vilibus pomis inbjare cogor ?*

*Una nos tandem satiet parata
Mensa beatis .*

*Vinctus infelix jaceo caduci
Corporis vinctis , tenebrisque septus :
O amor Jesu veniens ab astris
Vincula solve .*

*Quis mihi pennas dabit ut columba ?
Præpete ut liber properem volatæ ,
Nulla quò mortis scelerumque dira
Monstra propinquans .
Heu quot hinc falsa illecebris voluptas ,
Hinc dolis blanditur amor fugacis
Gloriæ , inde Orci horribilis tyrannus
Præstis misere .*

*Lucidos inter Juperos beatæ
Sedibus regnans patriæ , relicti
Oro Germani miserere vios
Mertis in umbra .*

De Arbore Cæsia

In Villa Tiburtina .

*Auricoma ut vidit crescentes Arbore ramos
Juppiter , hæc olim sit mea Quercus ait .
Nominis auspicijs nostri Dea Cæsia dixit
Augeat hæc oleas , Palladiumque nemus .
Tertius accedens certaminis auctor Apollo:
Hæc inquit detur cingere fronde comas .
Sed tamen interea , dum sic tria numina certant .
Hospitis arbitrio Tibure lis agitur .*

Ad Bernardinum Spadam

Eximiae indolis puerum.

*O magnae columen Domus, o spes prima parentum,
 Ingenio grandis, corpore parve puer.
 Lac tibi Castalides undae sunt, carmina lusus,
 Grata crepundia bonor, namia laudis amor.
 Hoc unum restat, fias ut corpore major,
 Virtute ut pueri pramia digna feras.*

De Eminentiss. Card. Roma.

Ad Anien Fluvium.

Distichon.

*Ut Romam videas, praecept perque noia curvis;
 Jam potes hic Romam cernere, siste gradum.*

De Pomis

Ad Virginem missis.

Distichon.

*Est rubor in pomis, pallorque insignis pudoris:
 Alterutrum castae virginis ora deget.*



F S

Ad

Ad Sua epigrammata.

Tetraftichon.

*Absentes dominos presenti ut voce salutem
 Ite per Herculeas disticha læta vias.
 Expectare pigrum est, dum vos secum afferat auctor.
 Pagina vos minimo ferre labore potest.*

In Librum.

Distichon.

*Præcipis ex isto demum mala carmina libro
 Si mala sustuleris, quid reliquum fuerit?*

Eiusdem

MARTHÆ MARCHINÆ;

Aliquot Epistolæ.



133
AD EMINENTISSIMUM

CARD. SPADAM

M. MARCHINA. SAL.

J Amdiu, Princeps Eminentissime, humaniorum litterarum studiis, vix (ut ajunt) a limine salutatis, nuncium remisera, ea-que in posterum, nunquam resumere constitueram. Neque enim iis rebus operam, infumendam esse cogitabam, quarum usum, vel exiguum, vel potius nullum futurum existimarem. Nunc verò præter omnium opinionem, humanitatis tuæ jussu (jussune dixerim an beneficio?) exilia carmina, quamvis non exiguo parta labore, tamen, indocta, parumque expolita, & mihi etiam invisa, quæ maximè detestor, ac poetriæ nomen, amissam iterùm lucem aspiciunt. Quæ in re illud erat in optatis, ut animum tuum gravissimis Reipub. curis penè oppressum, hujusmodi scriptiunculis pro meis viribus aliqua ex parte levarem. Quod si ipse illas lectitando præstitisses, maximum cuique dedisses argumentum ingenuitatis, & humanitatis tuæ. Quid si etiam laudibus, & amplissimis muneribus exornare voluisses? Equidem Princeps, quemadmodum virtutes meas (si quæ sunt) beneficentiæ tuæ impares & cognosco & profiteor; ita non
fa-

fatis aspicio, quâ ratione ingrati animi notam effugiam, nisi hac tantummodo. Nimirum Deo Opt. Max. qui tibi talem dedit mentem, accepta hæc omnia referendo: A quo tibi, & isti, cui præfides, Urbi integram, incolumemque precor felicitatem. Vale.

Forſitan hanc epistolam præmiſit elegiæ, quæ incipit: *Ite humiles elegi*, &c. nam ſic ex ordine, in ipſomet exemplo legitur.



J O S E P H O
 FRATRI CARISSIMO
 MARTHA MARCHINA
 S A L.

R Edditz mibi sunt eodem ferè tempore tres epistolæ, quas tu diversis temporibus dederas, earum postrema, quæ scripta erat xi. kalen. Sextiles mihi jucundissima fuit: nam, præterquam quod significabas te ex difficili, gravissimoque morbo convaluisse, atque in præsentia satis bellè habere, videbaris insolitâ quadam eloquentiâ tonare, ut ita dicam, & fulgurare, vel potius verbis disertissimis meam in scribendo tenuitatem redarguere, & commune litterarum genus quàm longissimè excedere. Ego verò nollem te hac de causa, scilicet ut quàm elegantissimè scribas, minus sæpè ad me scribere, neque cum litteras tuas expecto, statim cupio te digito cælum attingere, sed quod commodè, & per valetudinem, & per anni tempus præstare possis, id si obieris, & tuæ erga me observantiæ, & expectationi de te meæ cumulatissimè satis fecisse credas. Quod me hortaris, ut incommoda, & molestias æquo animo feram, agnosco benevolen-

lentiam tuam, ac deinceps ætatem in summa animi tranquillitate (pro meis viribus) degere constituo. Teque invicem hortor, & rogo, ut Dei optimi max. beneficijs studio pietatis, & vitæ integritate respondeas, atque in primis erga Rectorem observantiam tibi commendo, cui quantum debere me profiter tuâ in eum grati animi significatione perspicuum esse vehementer opto, eisdemque meo nomine salutem dicas velim. Cura ut valeas. Quartò Calendas sextiles. Roma.

Et



MARZ

137

MARTHA MARCHINA

JOSEPHO FRATRI AMANT. S. D.

A Getandem eienda est animo segnitie : epistola prodeat latinis vocibus exarata, aut si quid minus latinum obrepserit, capitis mei dolorem importunum inmensum. Accēpi litteras tuas, ex quibus intellexi, te olim in scribendo fuisse negligentiorē, ex discessu Rectoris, quod cuiusmodi sit satis intelligere non possum : non enim adducor ut credam, eundem, cum Neapolim proficisceretur, calamos omnes istinc abstulisse, ex quo fieret ut nullas ad me litteras mitteres; vel præcepisse ne se absente scriberes. Sed hæc iocari liceat. Ostendi litteras tuas Patri Ludovico, cui nihil in memoriam redit de negotio quæstoris. Quapropter vellet, ut ad se apertius, ac diligentius de ea re scriberes. Cæterum te bene sperare jubet, siquidem recipies. De rationibus cum Rectore, ut videtur, nam de munusculo nihil interest. Da operam ut valeas. Plura scribam minus occupata. Vale.

Ea-

TAntam ex litteris tuis voluptatem pariter, & admirationem percepi, ut propemodum illas non tuo Marte, sed alieno adminiculo conscriptas esse suspicaverim. Erant enim perquam ornatis, & elegantibus verbis, sententiisque refertæ: verum omnem istam suspensionem longè amotam esse volo, ac te mihi majorem in dies jucunditatem allaturum esse, tuto mihi persuadere. Quæ spes ne me fallat, eò majori tibi esse curæ debet, quò majorem ex altero fratre dolorem in dies magis, magisque percipio, quàm in animum ipse tuum jam unquam posses inducere. Cæterum ad me de tuis studiis, & exercitationibus, quàm familiarissimè scribas velim, nec vereare, ne litteræ tuæ (qualescunque tandem illæ fuerint) non maximæ sint mihi futuræ voluptati. Quod autem judicium meum in epistolas tuas desiderare te significas, modestè tu quidem, & fraternè. Ego verò si quid in iisdem subnotavero pro exili mea eruditione, nolim arrogantia tribuas, sed amoris; ac vicissim pergratum mihi erit ex te audire, si quid in meis litterulis latinitatis legibus adversabitur. Gratissimus mihi fuit Odarum liber, ac te tantæ eruditionis præceptorem habere vehementer gaudeo, ad quem dedi libros Em. Archiepiscopi P. Ludovico perferendos. De sumptibus erogandis,

dis, si quid est mei juris id omne ad Rectorem deferro. Quicquid ille faciendum judicaverit, id mihi non modò ratum, sed pergratum erit, tantùm videto, ut benè ijs utaris. Librum de præfagienda vita &c. nondum reperire potui, quamvis diligenter quæ siverim, non tamèn omninò despero. Verùm ne longiùs Epistola brevitatis terminos excedat, oro te ut eximio ac spectabili viro, & Domino meo Rectori salutem dicas meo nomine. Vale.

Quæ in epistola tua videntur immutanda: nedum componendi character, verùm etiam &c. Non modò &c. vide Tursellinũ in particulis. *Perlustri*. Existimo obiter excidisse, ac positum pro perillustri. *Nepoti*. Non satis pro certo est: iterumque. Vale.

Sequitur Apologia parvula hæc pro deponente verbo, quod Plautino nititur exemplo probare, ne contra Grammaticorum Regulam inconsultò posuerit.

Verbum illud deponens suspicaverim calamo excidisse animadverti, & cum adhuc possem corrigere, consultò omisi, ut ingenij tui actmen experirer. Defenditur tamen à solæcismi nota auctoritate Plauti. *Casin. Act. 7.* Nunc tu Cleostrata Ne à me memores malitiosè de hac re factum, aut suspices, tibi promitto tute forti &c. Non deessent in epistola tua leviora quædam animadvertenda, sed me lucerna deferit. Crastinus vero dies Divæ Marthæ sacer est, ac si fieri posset illius Templum in Vaticano ante lucem adire vellem. Ergo satis. Vale.

MAR.

MARTHA MARCHINA

P. LUDOVICO SANCTOLINO
S. D.

CUM ad te cæteras epistolas dederim patrijs , & quotidianis verbis exaratas , hanc latine scribo non ostentationis gratia , sed exercitationis . Non enim te fugit , ut opinor , nulli unquam studia mea , si qua sunt , laborasse , nisi tibi , nempè divinæ voluntatis internuncio . Nam quod mihi præceperas , ut te per litteras de animi mei tranquillitate facerem certior , hoc idèd non præstiti , quod adhuc nulla mihi opportunitas data est . Non enim id satis commodè facere potuissem , cum ad te scriberem de domesticis negocijs . Hac igitur epistolâ separatim tibi gratias ago , cum referre nullas possim . Agnoscoque tuam in me charitatem temporis , aut locorum intervallo non imminutam , cum adeò de mea salute vehementer sollicitus sis , & absens , & gravissimis curis occupatus . Equidem de me hoc affirmare posse mihi videor , quamvis post tuum ex Urbe discessum nonnulla acciderint , & molesta , & difficilia , nunquàm tamen animum despondisse , aut spe divinæ bonitatis excidisse . Scio enim hoc mihi rerum adversarum quasi pharmacum præparari ab eo , qui cognovit figmentum nostrum

strū, & quos amat corripit ad vitam, non ad interitum. In præsentī autem ferè nullus relictus est timori & sollicitudini locus utroque fratre aut amisso, aut dimisso (non enim video utrum verius dici possit) nisi quod de utriusque salute nunc ut cum maxime, summo timore sollicitor. Alia verò ex parte ingemit imbecillitas mea innumeris D. Opt. Max. beneficijs onusta, atque, ut ita dixerim, propemodum oppressa; eoque magis quod ferè nullo pietatis aut grati animi sensu afficior in Auctorem bonorum omnium, cui quantum debeam, non modo verbis explicari, verum etiam cogitatione percipi vix posse existimo. Quod non adeò dolerem, ni id fieri certò crederem, tum ex antea actæ vitæ meæ criminibus, tum ex præsentis torpore ac negligentia. Illud etiam vereri fateor, ne scilicet minus fidelis inveniar in ministerio, quod mihi creditum est. Quapropter te quam maxime oro, ut in tuis ad Deum precibus memor sis infirmitatis meæ. Vale.



E ADEM JOSEPHO

FRATRI AMANTISSIMO S.D.

NOli mi frater , superioribus litteris quicquam de mutua inter nos benevolentia imminutum esse, existimare, quippè quibus vehementiùs aliquantò si quid erat in ijsdem elegans minus, & absolutum subnotavimus, ergò si quid offensio- nis residet in animis totum id obliterari desidero . Cum nascituro generis humani reparatore , pacem ubique letitiamque non desiderari minus par sit . Quam quidem ce- lebritatem felicem cum tibi , tum omnibus etiam domesticis quàm maximè cupio . Vale.



MART.

MART. MARCHINÆ

AD JOSEPHUM FRATREM,

Epistolæ vernaculo sermone exaratae
fragmentum.

QUanto alla vostra lettera latina, deuo dire, che io ci hò molto che imparare. Ho osservato nondimeno che la particola *sæpe sæpius* sarebbe meglio *Sæpe, & Sæpius*; ovvero in altro modo, se però voi non l'haueste trovato appresso buoni autori. Similmente nella parola *Expressas* non vi va ditongo, tanto più che *Exprimo* ha la seconda sillaba breve. Di più *Novum quoddam, & tetricum vitæ genus*, non *quoddam*, e se fusse possibile, non vi vorrei cassature.

Nell'apologia del *Nedum*, quell'esempio non mi pare che quadri: poichè in esso oltre che è diviso, *ne, & dum*; non pare che significhi *non solum*, come nella vostra lettera. Però potevate apportare a favor vostro quest'altro luogo di Cicerone; *Nedum hominum humilium, ut nos sumus, sed etiam*. Att. lib. 9. epist. 27. che l'haureste trovato nel Torsellino, ovvero quest'altro: *Nedum morbum removisti, sed etiam gravedinem*. Id. Att. 10. Ma però troverete per l'ordinario, *Nedum*, nel secondo luogo, purchè anteceda nel primo
la

la negazione come ; *Egò vero ne immortalitatem quidem decipiendam putarem, nedum emori cum pernicie reipub.* Pro Planc. e di questi ne troverete infiniti.

La difesa della parola , *Nepos* , mi piace assai, ma ad ogni modo mi resta vn poco di dubbio, se tra quelli suoi descendentì, che Anchise nel sesto dell' *Eneide* andava rivedendo , vi fossero i figli di suo fratello , o pure fossero solamente quelli, che dovevano nascere per la linea di Enea suo figliuolo. O vedete un poco che bibbia vi hò fatto leggere così burlando?

z

F I N I S.







005638272

